

Bosna i Hercegovina  
*Federacija Bosne i Hercegovine*  
**ZENIČKO-DOBOJSKI KANTON**  
OPĆINA MAGLAJ  
OPĆINSKO VIJEĆE



Bosnia and Herzegovina  
*Federation of Bosnia and Herzegovina*  
**ZENICA – DOBOJ CANTON**  
MAGLAJ MUNICIPALITY  
MUNICIPAL COUNCIL

Broj: 02-04-2-66 /20  
Datum, 16.03.2020.godine

### ZAPISNIK

sa 37. sjednice Općinskog vijeća Maglaj  
održane dana 16.03.2020.godine u 09:00 sati u sali  
JU Dom kulture «Edhem Mulabdić» Maglaj

**Predsjedavajuća**, prije početka održavanja sjednice Općinskog vijeća predlažem da održimo Kolegij Općinskog vijeća, samo jedna konsultacija povodom ove situacije.

**Predsjedavajuća**, na osnovu člana 59. Poslovnika o radu Općinskog vijeća, zaključaka Kolegija od 09.03.11.02.2020.godine, te Programa rada Općinskog vijeća za 2020. godinu, otvaram 37. redovnu sjednicu Općinskog vijeća.

Kao što je već u uvodu samom i dopredsjedavajući rekao na današnju sjednicu pozvani su vijećnici iz parlamentarnih političkih partija: SDA, SDP, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni delegatu u Domu naroda Jasminku Kapiću i zastupnici u Skupštini ZDK Emiri Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 37. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan vijećnik Josip Jurišić, najavio da će kasniti.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Prije nego pređemo na verifikaciju zapisnika sa 35. i 36. sjednice, u skladu sa zaključkom Kolegija koji je održan prije početka ove sjednice, zamolila bih Načelnika da nas upozna sa preduzetim mjerama na nivou općine Maglaj a vezano za pojavu korona virusa u BiH, kakve su mjere preduzete, šta možemo očekivati itd.

**Načelnik općine**, Mirsad Mahmutagić, hvala na prilici da iznesem određene detalje, tako i kada je u pitanju rad i općinskih institucija i Općinskog štaba CZ. Sjednica OpšCZ održana je 06.03.2020.godine gdje smo pored uobičajenih tačaka od plana, Programa rada, godišnjeg plana utroška sredstava po osnovu naknade, informacije o završetkuprocjene ugroženosti od prirodnih i drugih nesreća na području općine Maglaj razmatrali i problem moguće migrantske krize i pojavi korona virusa na našoj općini. Dakle, to je bilo 06.03.2020.godine u međuvremenu pratili ste medije, vidjeli ste da se intenzivira problem oko širenja korona virusa da zasjedaju štabovi od općinskih, kantonalnih do entitetskih štabova CZ, pa i Savjeta ministara, odnosno predsjednika Savjeta ministara sa entitetskim premijerima i njihovim saradnicima. Kada je u pitanju Općina Maglaj mi smo ne čekajući odluke Kriznog štaba poduzeli određene korake, tako smo održali i sastanak sa direktorima JU i JP, kako bi na vrijeme dali određene upute i samim uposlenicima u tim institucijama, ali i našim sugrađanima odnosno korisnicima u tim institucijama. Na tom sastanku su doneseni određeni zaključci na području općine Maglaj nema raspoloživih kapaciteta za prinudni smještaj potencijalnih migranata, niti institucija poput Crvenog križa i Merhamet općine Maglaj raspolažu istim. Ovo je ono što se tiče za migrantsku krizu. Da policijska stanica Maglaj u sistemu Ministarstva unutrašnjih poslova ZDK postupa po uputama nadležnih organa i prati u kontinuitetu kretanje migranata na području općine Maglaj, da do sada nisu evidentirani nikakvi problemi po tom pitanju i OpšCZ je sugerisao da ukoliko građani primjere zloupotrebu privatne imovine od strane nepoznatih osoba da iste prijave na broj telefona 122 kako bi se izvršila provjera lica i zaštita imovine. To je ono što preporučujemo građanima kada je u pitanju migrantska kriza koja je zadesila i BiH.

Kada je u pitanju pojava korona virusa trenutno nema evidentiranih zaraženih lica na području općine, te se sugeriše građanima da prate upute i obavijesti putem medija a posebno upute o higijenskim mjerama koje je neophodno poduzeti za sprečavanje pojave i prijenosa virusa. Vidimo kroz medije da svi oni koji su dio struke preporučuju pranje ruku, pojačanu higijenu.

Na sastanku sa direktorima JU i JP koji je održan 12.03. također je razmatrana epidemiološka situacija i s ciljem prevencije širenja korona virusa donijete su određene preporuke. Higijenske mjere održavati na maksimalnom nivou.

Pozivaju se svi građani koji imaju ili su imali kontakte sa osobama koje su boravile u inostranstvu da se jave na broj telefona 032 465 684 to je higijensko epidemiološka služba Doma zdravlja Maglaj, gdje će dobiti potrebna uputstva.

Pozivaju se građani da ukoliko je moguće svoje poslove u Općini, JU i JP, kao i drugim ustanovama rješavaju putem telefona ili interneta kako bi se smanjio broj međusobnih kontakata.

Pozivaju se JU i JP da uvedu posebno radno vrijeme sa strankama i da obezbijede primjenu higijenskih mjera.

S obzirom da je obustavljena nastava preporučuje se roditeljima da u skladu sa mogućnostima djeca što manje vremena provode u grupama, naročito u zatvorenim prostorima.

Obavezuju se sportski klubovi da poštuju preporuke nadležnih sportskih saveza i preporučuje se građanima da slušaju samo preporuke zvaničnih institucija kako bi se izbjeglo širenje panike zbog netačnih informacija.

Dakle, ovo su zaključci koje smo donijeli prije nego što je i Fed. Štab CZ, Krizni štab, pa i kantonalni prije nego što su donijeli bilo kakve upute osim ove upute o prestanku nastave u školama. U međuvremenu je došla uputa i za zatvaranje dječijih vrtića za neodržavanje sportskih takmičenja i prekid procesa. Na području općine su svi upoznati, ja sam imao sastanak i sa predstavnicima sportskih klubova, gdje smo također zaključili da se moraju poštovati odluke i naredbe koje su donesene u cilju sprečavanja širenja korona virusa u skladu sa naredbama, obustavljaju se sve sportske kulturne aktivnosti koje se održavaju u Sportskoj dvorani, kinu uključujući i korištenje teretane. U međuvremenu da kažem dobijemo nove informacije stupaju nove mjere na snagu kao što je i obaveza karantin prilikom ulaska u državu i evidentiranje svih onih koji su se vratili iz inostranstva i koji su potencijalni prenosnici. Ali isto tako moram reći da život nije stao, da dalje rade i firme i institucije itd. i nemoguće je svesti kretanje na nulu, nemoguće je izbjeci sve kontakte, ali je bitno smanjiti onoliko koliko može, zato smo i pozvali građane da što više svojih poslova koje mogu riješiti putem interneta ili telefona da to rješavaju bez direktnih kontakata. Još jednom pozdravljam građane da ne šire paniku da ne slušaju vijesti osim zvaničnih vijesti, jer na taj način se pojavljuju dezinformacije koje praktično stvaraju paniku, a paniku u ovakvoj situaciji nije nikako dobro došla. Mi smo imali slučaj da je naš sugrađanin se vratio iz Italije i uredno se javio ljekaru i u karantinu je i odmah je krenula priča da je obolio do korona virusa. Nije to je samo bila odgovornost sugrađanina, ali isto tako moramo svi znati da imamo naših sugrađana koji putuju po Evropi, izlaze, dolaze, kamionski saobraćaj se još uvijek odvija, pratili ste da je jučer omogućen ulazak 700 kamiona u BiH, dakle to su kamioni koji dolaze i u općinu Maglaj, odnosno vozači koji upravljaju tim kamionima. Ja sam jutros imao kontakte sa većim firmama tu je i gospodin Hrnjić direktor-vlasnik HM prometa, pa sam obavio razgovore i sa predstavnicima firme „Budo export“, „Bontex“, „Fine llife“, „Excel assemblies“ „Edemus“ picerija, dakle, pojavit će se sigurno problem koji će zadesiti privredu. Bitno je da su u ovim firmama poduzeli sve ono što mogu sa svoje strane, govorim o firmama koje zapošljavaju nekoliko desetina ili stotina uposlenih. Ranije smo imali informacije za „Natron“ da su poduzeli određene korake, mjere tako da pokušavaju za sve one koji znaju da su imali kontakt sa licima dolazila iz inostranstva da se izoliraju od ovih. Prethodno sam dobio informaciju da i radnici koji bilo šta osjete da ne moraju doći na posao. Svi su zabrinuti u ovom trenutku u kojem smjeru će dalje ići s obzirom na sve veću blokadu kretanja roba. Situacija je ista i sa restoranom-picerijom „Edemus“ gdje ima 50-tak uposlenih, što pekara, što restoran, a razgovorajući sa direktorom jutro dobio sam informaciju da ima ljudi koji dođu na kafu, kažu evo sad stigao iz Njemačke. Odatle znači potencijalnih prenosnika sigurno ima, a i zbog toga je neophodno poduzeti sve konkretne mjere koje su predložene kao stručne mjere i pridržavati se istih. Mi ćemo dalje pratiti situaciju evo i danas za ovu sjednicu OV, prostorije su sve dezinfikovane, obavezna je bila dezinfekcija ruku na ulasku, ali nastavljamo dalje sa radom. Za sutra u 9 sati je zakazana ponovno sjednica Kriznog štaba OpšCZ gdje ćemo sumirati ovo do sad što je urađeno, poduzeto i situacije sa kojima raspolazemo i eventualno izaći sa novim informacijama ili novim prijedlozima.

**Vijećnik Safet Jašić**, želim iznijeti razmišljanje Kluba iz kojeg dolazim. Čuli ste diskusiju Načelnika i može se zaključiti da situacija nije dobra. Ovo su podaci koje je Načelnik iznio i mi bez toga smo imali jedan svoj zaključak da nije bilo dobro i da ovom prilikom želimo da kažemo da sjednica OV nije se morala održati kad je u pitanju korona virus. Obzirom da ima ovdje ljudi koji su narušenog zdravlja i najlakše obolijevaju od toga, od te bolesti, imamo u trudnoću, mi u Klubu smatramo da i ovu sjednicu i narednu i sve aktivnosti kad su u pitanju okupljanja treba zaustaviti i da se ugledamo na ostale općine. Ovo je Klub SDA donio i u petak i jutros na sastanku i ja sam bio obavezan da ovo iznesem i ovo je i naš prijedlog.

**Predsjedavajuća**, na sjednici Kolegija naravno se razgovaralo i o tome da li održavati ili ne održavati i ovu sjednicu Vijeća, Kolegij na kojem nije nažalost gospodin Jašić prisustvovao je procijenio da će u narednom periodu situacija biti vjerovatno i pogoršana, ali je isto tako naglasio da svako od vijećnika koji se smatra da se

nalazi u jednoj od rizičnih skupina ne treba ni da dođe na današnju sjednicu. Dakle, to je bila pojedinačna vaša odluka, da li ćete ili nećete prisustvovati današnjoj sjednici Vijeća. Ovo je stav Kolegija.

Ja bih ovim završila ovaj dio kojim je Kolegij odlučio da se Načelnik obrati, te prešla na verifikaciju zapisnika.

Pauza za Klub SDA.

**Vijećnik Safet Jašić**, mi smo poslije ove pauze i ono što je primjećeno u izlaganju Predsjedavajuće da je ovo lična odgovornost svakog vijećnika hoće doći ili neće, mislim da nije to prihvatljivo što se nas tiče. Odgovornost je na onome ko je sazvao sjednicu. Mi ćemo biti korektni kad smo već došli i pomješali se ovdje. Vidimo da ima i vijećnika bolesnih i da se završi sjednica što prije. Ali odgovornost je na onome ko saziva sjednicu i pravi okupljanja ne lična odgovornost bilo kojeg vijećnika tako da znate.

**Predsjedavajuća**, predlažem da pređemo na verifikaciju zapisnika, obzirom da prošli zapisnik nije bio u cijelosti gotov, na današnjoj sjednici izvršit ćemo verifikaciju sa 35. Redovne sjednice i nastavka te sjednice, kao i 36.redovne sjednice OV. Da li ima primjedbi na zapisnike? Emina je rekla da ima nešto sugerisati prije verifikacije.

**Emina Hasanić**, sa Zapisnika od 35. Sjednice u tački 5. Prilikom glasanja po zaključku stavili smo dva puta Josip Jurišić, znači Josip Jurišić je bio uzdržan nije bio za. Brojčano sve odgovara. Da li ima još primjedbi na Zapisnike? Dajem na verifikaciju oba zapisnika sa 35 i 36.redovne sjednice OP uvažavajući primjedbu koju je iznijela Emina Hasanić.

Verifikacija Zapisnika sa 35. sjednice sa nastavkom i Zapisnik sa 36. sjednice OV.

Verifikovano jednoglasno.

Ko je za prijedlog dnevnog reda za današnju sjednicu?

Otvaram raspravu i zamolila bih sve vijećnike kako smo se dogovorili na Kolegiju da se pridržavamo Poslovnika o radu OV tj. trajanja rasprave i vođenje rasprave u okviru tačke dnevnog reda.

Zaključujem raspravu po dnevnom redu, te stavljam na glasanje predloženi dnevni red.

**Predsjedavajuća**, u skladu sa usvojenim prijedlogom pročitat ću dnevni red za današnju sjednicu.

## DNEVNI RED

1. a) Izvještaj o izvršenju Budžeta/Proračuna Općine Maglaj za 2019.godinu;  
b) Odluka o usvajanju Godišnjeg obračuna Budžeta/Proračuna Općine Maglaj za 2019.godinu;
2. Periodični finansijski izvještaj Budžeta/Proračuna Općine Maglaj za period 01.01.-31-12.2019.godine;
3. Informacija o radu Općinskog vijeća za 2019.godinu;
4. Izvještaj o radu Jedinog organa uprave Općina Maglaj za 2019.godinu;
5. Izvještaj o realizaciji - Plan kapitalnih investicija Općine Maglaj 2019-2021.godina;
6. Izvještaj o radu Općinskog pravobranilaštva;
7. Izvještaj o radu OIK-a za 2019.godinu;
8. Program rada OIK-a za 2020.godinu;
9. Izvještaj o ostvarenju godišnjeg plana implementacije za 2019.godinu - „Strategije razvoja općine Maglaj 2012-2020.godina - revidirana za period 2018-2020 godine“;
10. „Strategija razvoja općine Maglaj 2012-2020 – revidirana za period 2018-2020 godine“ - Akcioni plan implementacije za 2020.godinu;
11. Nacrt Odluke o sprovođenju socijalne zaštite i zaštite porodice sa djecom na općini Maglaj;
12. Pravilnik o upravljanju i održavanju objekta socijalno neprofitnog stanovanja;

**Glasalo 13 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Na Kolegiju smo razgovarali i o tome da vijećnička pitanja i inicijative ostavimo za ovu sjednicu koja je zakazana za četvrtak, kao i Brifing Načelnika, dozvolite da sam razvoj današnje sjednice kao naš stav da li će ta sjednica u četvrtak biti održana ostavimo za kasnije. Također na Kolegiju smo razgovarali i o tome da li ćemo praviti pauzu za ručak ili možda da naručimo nešto tako da to što brže obavimo u Sali Općinskog vijeća da budemo rentabilni kada je vrijeme u pitanju.

AD – 1 a) Izvještaj o izvršenju Budžeta/Proračuna Općine Maglaj za 2019.godinu;

b) Odluka o usvajanju Godišnjeg obračuna Budžeta/Proračuna Općine Maglaj za 2019.godinu;

### **Senada Alibajraktarević – uvodno izlaganje**

Pred nama je Izvještaj o izvršenju Budžeta/Proračuna Općine Maglaj za 01.01.-31.12.2019.godinu. Kao što ste mogli vidjeti u materijalima prihodi i primitci u Budžetu/Proračunu Maglaj za period 01.01.-31.12.2019.godine iznosi 8.208.793,00 KM i u odnosu na izvršenje prethodne godine za 990.181,00 KM ili procentualno 13,71 %. Kada je riječ o strukturi prihoda i primitaka porezni prihodi iznose 4.481.234,00 KM, neporezni prihodi 1.903.647,00 KM, tekući transferi 1.648.274,00 KM, donacije 9.220,00 KM i kapitalni transferi 366.417,00 KM. Kada je riječ o izdacima u Budžetu/Proračunu Općine Maglaj za 2019.godinu on iznosi 8.396.964,00 KM. Tekuća budžetska rezerva koja je bila planirana u iznosu od 50.000,00 KM, na osnovu odluka Načelnika općine utrošena je u iznosu od 32.398,72 KM.

Kada je riječ o stanju novčanih sredstava na transakcijskom računu Budžeta/Proračuna Općine Maglaj i namjenskim podračunima Budžeta/proračuna Općine Maglaj, na dan 31.12.2019.godine ona iznosi 1.289.649,00 KM.

Kada posmatramo period izvještavanja 01.1.-31-12-2019.godine vidimo da je ostvaren deficit u iznosu od 188.170,00 KM koji je finansiran iz akumuliranog suficita i koji je iznosio na dan 31.12.2018.godine 600.692,00 KM. Ukupan suficit na dan 31.12.2019.godine u Budžetu/Proračunu Općine Maglaj iznosi 513.407,00 KM.

Kada je riječ o zakonskoj regulativi član 59. Zakona o Budžetima u FBiH, daje se mogućnost preraspodjele sredstava na budžetskim stavkama rashoda i izdataka jednog budžetskog korisnika kao preraspodjela budžetskih sredstava između budžetskih korisnika u okviru odobrenog Budžeta, o čemu odlučuje Načelnik općine svojim odlukama, a koja je utemeljena članom 20. Odluke o izvršavanju Budžeta Općine Maglaj za 2019.godinu. Tu zakonsku mogućnost iskoristio je Načelnik općine na pojedinim stavkama u Budžetu/Proračunu Općine Maglaj za 2019.godinu. Ono što bih napomenula još u uvodnom izlaganju i što je evidentan porast u odnosu na izvršenje Budžeta/Proračuna Općine Maglaj za 2018.godinu da su kapitalni transferi izvršeni u iznosu od 1.258.694,00 KM i u odnosu na 2018. godinu veći su čak za 45%.

Samo bih još napomenula u uvodnom izlaganju da je na stranici 27. Došlo do tehničke pogreške kod prekucavanja u opisnom dijelu kod Centra za socijalni rad, tako da umjesto iznosa 96.298,06 KM, treba da stoji 249.690,81 KM. Napomenula bi da ovo uopće ne utiče na finansijski rezultat, niti na bilo koji finansijski iznos Proračuna/Budžeta Općine Maglaj.

Otvaram raspravu

**Vijećnik Safet Jašić,** Klub vijećnika SDA je razmatrao dostavljeni materijal Izvještaj o izvršenju Budžeta/Proračuna Općine Maglaj za 2019.godinu i iznijeti ću neka naša zapažanja i primjedbe.

Moram istaći da je krajnje nekorektno da se tokom cijele godine u negativnom kontekstu prozivaju viši nivoi vlasti, jer je vidljivo da su sredstva uložena u infrastrukturu po ovom materijalu projekti većinskim dijelom upravo sredstva sa kantonalnog i federalnog nivoa, a preostali dio sredstava planiran u Budžetu planiran za 2019.godinu uglavnom je potrošen na plaće uposlenih u općinskoj administraciji. Jedan dio sredstava što smo mogli primjetiti je nerealan planiran, što je vidljivo iz slijedećih pokazatelja.

Stavka novčana naknada za izuzetno teške socio-ekonomske situacije pripadnika branilačke populacije i sredstva za liječenje pripadnika branilačke populacije, funkcija 1091 analitički kod 31 i 32, smatramo da su to od početka trebala biti planirana veća sredstva u Budžetu. Smatramo da su sredstva potrošena na usluge javnog informisanja, repotraže i reemitovanje sjednica OV, održavanja postoje web stranice i drugih medijskih usluga nerealan planirana i utrošena u 2019.godini je za pomenute usluge potrošeno 59.790,45 KM, tj. cca 18.000,00 KM više nego u 2018.godini.

Naknade članovima komisija formiranim po rješenju Općinskog načelnika za 2019.godinu iznose 32.000,00 KM, odnosno iznos je veći za 5.000,00 KM u odnosu na 2018.godinu. Možda je razlog da su komisije radile, nemam ništa protiv kad su u pitanju ove komisije. Prema tome, očito je da su radile samo komisije formirane po rješenju Općinskog načelnika, a nisu radile komisije OV, što je vidljivo iz informacije o radu OV za 2019.godinu, broj održanih sjednica i rad OV katastrofalan.

Na strani 9 dostavljenog materijala stavka ostale nespomenute usluge podkategorija 6 analitički kod 613 991, na pomenutoj poziciji planirana su sredstva od 4.000,00 KM, a potrošeno 15.420,00 KM, što znači da je izvršenje 385 %. Zanima nas koje su to usluge i zašto je ovako visok procenat izvršenja. Na strani 7. Analitički dio 612114 na poziciji dodatni beneficirani staž u 2019.godini, nisu planirana nikakva sredstva, međutim utrošeno je nekih 6.033,00 KM. Obzirom na to da na ovoj poziciji nisu planirana nikakva sredstva zanima nas kome je uplaćeno i zašto je ovaj beneficirani staž. To je od prilike što se tiče naših primjedbi, i ja se nadam da je šefica zabilježila i da ćemo dobiti odgovore.

**Vijećnik Mirza Bradarić,** u ime Kluba SDP-a mi ćemo prihvatiti i pod a) i pod b) Izvještaj o izvršenju Budžeta i Odluku o izvršavanju Godišnjeg Budžeta tj. Proračuna Općine Maglaj za 2019.godinu.

Stvarno su mi interesantne ove konstatacije od kolege Jašića kad kaže sredstva sa viših nivoa vlasti. Mene samo interesuje čije su to pare. Sva ta sredstva koja dolaze sa viših nivoa vlasti to su naše pare, te pare i pripadaju nama. Tako da ako je to nekakva sadaka bila ili nešto evo vam malo, ne, to se ne može prihvatiti, to su naše pare i trebaju ih prosljediti kao i svim ostalim općinama. Ja moram čestitati izvršenje Budžeta je preko 90% i samo ću jednu opasku reći. U prethodnom mandatu kada smo imali ove izvještaje i u toku godina, jako često, ja sam imao

ta iskustva, gdje su mi određeni sportski kolektivi dolazili, pa me molili hajde molim te možeš li postaviti pitanje kada će nam biti uplaćena sredstva, kad ćemo dobiti redovnu tranšu itd. Evo ja ću reći samo za 2019.godinu, vidi se barem na infrastrukturi koliko je toga urađeno. U 2019.godini nismo imali ni jednu vanrednu intervenciju, niti od bilo kojeg sportskog kolektiva, niti od bilo kakvog udruženja za dodjelu njihovih redovnih tranši za dodjelu nekih redovnih novčanih sredstava koja im i pripadaju. Poljoprivreda isplaćuje se onoliko koliko je i punjenje Budžeta, nema vanrednih intervencija, sportski kolektivi nema vanrednih intervencija. Udruženja, socijalna davanja nema vanrednih intervencija, tako da neću ulaziti u detalje ovo što je gospodin Jašić iznio, to će šefica Službe i Načelnik će o tome, tako da sve u svemu barem ove ključne stvari kad su u pitanju, to je teklo bez problema i iz tog razloga Klub SDP-a će prihvatiti i pod a) i pod b).

**Vijećnik Safet Jašić**, naravno da ovo nije i da su drugačije okolnosti i da je tok cijelih sjednica išao onako kako je trebao, ja bih volio da je još više sredstava došlo. Naravno da je naša i općina i kanton i federacija i država. Međutim, hajmo biti realni, ne daju iz kantona, ne daju iz federacije. Nedovoljno se transparentno i ono što dobijemo promoviše jest to je to, nego ide se tamo po nekim čoškovima itd. i ružno se priča o višim nivoima vlasti. Ovo sam samo usput napomenuo, znam ja da to nije ali moramo biti malo realniji kad je ovo u pitanju. Zna se šta radi Općina i kakve su mogućnosti Općine mi to dobro znamo. Međutim, treba priznati ako dobijemo sredstva sa viših budžeta, da bog do imamo još više i ja bih volio i sam bih bolje živio nego sada. Samo je to usputna rečenica bila iz tog razloga.

**Vijećnik Mustafa Buljubašić**, ne bih želio da mi se oduzima pravo na diskusiju ako i malo pridem, neću po drugim tačkama diskutovati saglasit ću se sa nekim s kim se usaglasim.

Žao mi je pričalo se ovdje, ali niko ko je izlazio ovdje i ne reče kako pomoći određenim kategorijama, ako potraje ovo stanje ako šta bude da pomognemo tim ljudima. Znamo ko su naše najugroženije kategorije stanovništva. Sramota je da ovdje živi od 25-30% ljudi od penzija. Ja ću kroz ovu diskusiju iznijeti koliko ima penzionera i kolika su im primanja. Naravno da sam ožalošćen ne priznavanjem ovih ljudi.

Na stranici 12 analitički dio 50 koji glasi sufinansiranje socijalnih programa penzionera, planirano 15.000,00 KM, izvršenje nešto malo veće od 100%. Interesuje me koji su to penzioneri dobili ta sredstva, molim ime i prezime, broj lične karte, matični broj penzionog čeka, visina penzije i mjesto stanovanja. Zašto ovo tražim? Tražim da ne bi i mi duplirali istim ljudima a da neko ko je zaista u potrebi dobije ta sredstva. Ovo moje pitanje je bilo vijećničko pitanje prošli put i ovaj put će biti vijećničko pitanje. Smatram da na to imam pravo kao vijećnik i kao predsjednik Udruženja penzionera Maglaj i kao penzioner. To mi treba kako i mi i vi ne bi davali istim ljudima jer ne bi bilo uredno da neko dobije više puta a neko ni jednom. S obzirom da je stanje penzionera, zdravlje, imovinsko, socijalno, brojčano koliko ih ima katastrofalno. Zato tražim odgovor na ovu stavku u Budžetu. Ako je ne mogu dobiti onda ima pravo kao čovjek u sumnje u način ove dodjele ako se sredstva koja su namijenjena penzionerima daju propalicama, pijanicama, neradnicima i političkim podobnicima vladajuće stranke. Vi sigurno nemate spisak 3.500 penzionera o kategorijama visine primanja na našoj općini. Na našoj općini ima oko 2700 penzionera sa penzijom od 371,00 do 500,00 KM. Nešto između zagarantovane penzije koja je 465,00 i najniže 371,00 KM i nešto do 500,00 KM, imam ja i najfrikije pokazatelje koje sam dobio iz PIA, ako trebalo nekom da ih koristi od mene, a ne da gleda po novinama šta je pročitao tamo pa da navečer bude objavljeno na našim vijestima. Također me interesuje na stranici 13 analitički dio 614324 sufinansiranje boračkih udruženja. Koliko koje je udruženje dobilo sredstva, jer mislim da to nije niti treba da bude tajna, a svima nama vijećnicima je sramota da ne znamo koliko je sredstava dobilo koje udruženje. Do prije dvije godine to se znalo pojedinačno, a sada izbacujemo samo ukupnu cifru. Zašto to krijemo, nema potrebe. Mislim da prema vijećnicima je to nepošteno, a onda postoje razne sumnje. Također je ista stvar i sa civilnim udruženjem ukupna cifra 32.800,00 KM i ništa više, tražim pojedinačno koliko je koje udruženje dobilo. Za sve traženo tražim pismeni odgovor u zato predviđenom vremenu. Zašto sam ovo govorio? Ovo ću ja prekucati i dostaviti ću kao vijećničko pitanje idući puta to mi treba. Odgovorio bih samo jednom rečenicom gospodinu Bradariću, istina je sredstva pripadaju nama ali svima, ne samo vama.

Odnos prema opoziciji ovdje nisam htio, prošli put sam ispao lažov, a nisam lažov nikad bio. Ispo sam lažov a nisam htio pred onim čovjekom iz OSCE-a da kažem. Ponašanje Načelnika i efekti tog ponašanja, uzurpacija interne televizije od strane ostalih ljudi. Zašto uzurpacija, tri i po godine su prošle Načelnik nikad nije prešao na ovu stranu da pozdravi bilo koga od ovih vijećnika. Bolilo me kad sam sjedio na lijevoj strani, zar se tako mogu nogirati ljudi, tako se omalovažavati, tako se mogu prozivati, to ne ide, to ćemo mi, kad kažem mi mislim i na Klub SDA jer ja radim i saradujem i radit ću i saradivati sa tim klubom. Jer je to najjači klub pojedinačno. Vi imate ovdje televiziju kojoj ne možete prići od gospodina Ferića, od Načelnika i KJD. To su udarne vijesti na maglajskoj televiziji šišanje drveća. Pa 60 godina se drveće šišalo, sad je to udarna vijest. To su na sve razne načine podizanje jednih a skidanje drugih. Imali smo ovdje i sastanak privrednika, došla su tri privrednika i došlo je predsjednik KJD, gdje su ostali. Poslije četiri dana su sjedili ovdje bilo ih je 100. Ne može se s jednim radit, a s drugim ne radit. Mora se tražiti kompromis i između vijećnika, između klubova i donositi zajedničke odluke. Ja sam za to, ali s obzirom da te komunikacije nema onda se dešava ono što se dešava. Nije samo ova cifra što se radi o njoj koju sam ja spomenuo i jednu i drugu. Molim vas u drugim općinama penzioneri imaju u više općina subvenciju za prijevoz, imaju subvenciju u nekim na struju, na lijekove, pomoć u paketima za prehranu itd. Šta se

to dešava na ovoj općini? Zašto je to tako, jesul to penzioneri zaradili? Morat ćemo na drugim skupovima sa drugim novinarima razgovarati u narednom periodu. Sigurni budite da ćemo tako uraditi, da ćemo to odraditi. Da ne bi ja dužio da me ne bi neko opomenuo samo da napomenem koliko je stanje teško. Naših članova penzionera u prošloj godini je umrlo 119. Niko nije ni pitao trebal šta. Hvala Bogu sve smo izmirili po našem Statutu porodicama umrlih i pakete i posmrtnine i sve. Dali smo preko 10.000,00 KM socijalne pomoći. Šta smo dobili, dobili smo ono što smo dobili za rad Udruženja i to smo jedno od najmanjih. Manji smo od invalida, od šehidskih porodica, manji od boračkih porodica itd. Jel to osveta penzionerima, ja mislim da je to osveta i to je tako. I to će objaviti mediji koji hoće objaviti a ne oni koji to sigurno ne žele. Danas su penzioneri najveći posjetioci apoteka i tržnih centara i prodavnica. Jel tako treba? Nećemo to jednostavno da prihvatimo. Ja ovo ne govorim samo Načelniku, postoje službe za to i od službi tražim odgovor. Ne tražim od Načelnika, tražim od službi koje su ovo radile, dijelile, isplaćivale i da mi dadnu odgovor one. S Načelnikom na tu priču neću pričat. Neću više izlaziti vjerovatno, ali ću biti za stavove SDA koje oni donesu po svim ovim ostalim tačkama. Inače ne prihvatam ovaj Izvještaj.

**Vijećnik Hajrudin Ferić**, nisam imao namjeru da se javljam za riječ do 4 tačke dnevnog reda, ali me prethodni gospodin malo potaknuo da malo repliciram, u stvari da zamolim gospodina Buljubašića da on i kao privatna osoba i kao predsjednik Udruženja penzionera općine Maglaj i u bilo kom svojstvu ima pravo i pismeno i usmeno da dostavi sve svoje sugestije i primjedbe direktoru, menadžmentu, odnosno redakciji RTV Maglaj i zamolio bih da ne zloupotrebljava govornicu OV po ovim pitanjima. Zaista ovo nije prvi put i mislim da to nije problem, a nije ni korektno. S druge strane da kažem i ja nekoliko rečenica. Polazeći od opšte ocjene stanja, odnosno svih ovih brojki u tabelama koje smo dobili možemo i iskustveno da utvrdimo da je zaista funkcionisanje Općine bilo stabilno pa skoro u svim segmentima. Prije svega, tu mislim i na finansiranje općinske administracije bez obzira na određene probleme kad je u pitanju poštivanje kolektivnih ugovora, Granskog kolektivnog ugovora, onda da utvrdimo da je zaista bilo stabilno finansiranje i kad je u pitanju poljoprivreda, kultura imali smo manifestacije čak i više nego što je prethodnih godina bilo. Naravno da tu ne spominjem samo sport, socijalna zaštita, sve JU i JP su također stabilno funkcionisale, a to je između ostalog i dobrim dijelom zasluga ovog Budžeta, odnosno izvršenja budžetskih stavki. O građenju, nešto je gospodin Bradarić rekao o gradnji o sanacijama o rekonstrukcijama zaista ćemo govoriti i u narednim ovim tačkama dnevnog reda, ali ako se saberu sve ove stavke u Budžetu, onda se vidi da je tu neki osnovni budžetskih sredstava oko 1,5 miliona uloženo u izgradnju. Ono što je jedan opšti stav, isto tako ja znam da ima ali to ću reći u drugom djelu svoje diskusije i kad je u pitanju socijalna zaštita, ona ide nekakvim svojim uobičajenim ustaljenim tokom i u tom dijelu slažem se s gospodinom Buljubašićem da moramo napraviti iskorak više. Možda ova Odluka o socijalnoj zaštiti koja nam je danas na dnevnom redu u formi nacrtu možda je i prilika da dođemo do jednog dobrog rješenja u narednom periodu, iako moram reći da je i u tom izvršenju budžeta prilično sa dobrim procentom realizovano. Da ne bude sve da se i hvali Načelnik općine, jer ne treba podsjeti činjenicu da mi Odlukom o izvršenju Budžeta donosimo krajem godine, ili početkom godine za tu kalendarsku u dobrom dijelu dajemo na upravljanje onih 8 miliona na jedno domaćinstvo upravljanje Budžetom općine Maglaj za narednu godinu Načelniku općine, odnosno općinskoj administraciji. Dakle, to je naša odluka. Međutim, kad mi donesemo tu odluku o izvršavanju Budžeta, onda mi svakako očekujemo barem ja i moja opcija iz koje dolazim kao vijećnik onda očekujemo i da to trošenje bude i transparentno i da na kraju krajeva bude odgovorno, odnosno da bude dostupno sa svim programima, sa svim kriterijima sa svim nekakvim uslovima korištenja da bude dostupna našoj javnosti. Podsjetit ću dakle da imamo određene prijedloge, govorim kao vijećnik Hajrudin Ferić, predstavnik DF, odnosno kao predstavnik onih ljudi koji su i dali glas 2016.godine za mene da moramo napraviti taj iskorak više u transparentnosti, ne samo kad je u pitanju izvršenje Budžeta, nego i inače u radu općinske administracije. Podsjetit ću na nešto što je objavljeno prije nekoliko dana a to je Izvještaj o realizaciji projekta nevladine organizacije „Zašto ne“ iz Sarajeva koja je cijelu 2019.godinu vršila monitoring, nadzor na transparentnosti otvorenosti općinskih administracija u cijeloj BiH od 149 općina i gradova, Maglaj je zauzeo 79 mjesto sa 33%, a ono što je bilo tu ocjenjivano, tokom cijele godine bila su četiri elementa.

Pod 1. Transparentno, (budžetska transparentnost), javne nabavke, organizacijske, informacije.

2. Pristupačnost građanima, javne organizacije rasprave, pristup informacijama.

3. Integritet antikorupcijske politike i strategija.

4. Učinkovitost izvještavanje Općinskom vijeću, monitoring, evaluacija rada i strateško planirane.

Ovo su četiri elementa koje je ocjenjivao Udruženje građana „Zašto ne“. Mi smo u drugoj polovici i meni kao formalnom članu ove većine to zaista ne imponuje, što smo u donjoj polovici ovog spiska općina i gradova u Federaciji. Ono što je još tužnije jeste da smo u ZDK samo ispred Olova, a mi znamo da je načelnik decenijski Džemo Memagić i sve ostalo.

Mislim da nam tu već od narednih dana pa pogotovo u narednom periodu, potrebno da osmislimo, da napravimo jednu strategiju, da napravimo bolji pristup koji bi omogućio veću transparentnost. Također je ovdje bila analizirana jeste i funkcija samih web stranica, a vjerujte da naša web stranica bez obzira na lijep dizajn ima i te kako puno zahtjeva i prostora da se uradi, da se sadržajno sačini tako da može da bude pravi jedan servis građanima. Glasat ću za izvještaj i za Odluku o izvršavanju Godišnjeg obračuna Budžeta za 2019.godinu, isto tako i za periodični izvještaj.

Na sjednicu Vijeća pristupio je vijećnik Josip Jurišić u 10,35 sati.

**Načelnik općine,** hvala na svim diskusijama.

Ja ću se osvrnuti na Budžet u cjelini, pa ću poslije dati odgovor na određene dileme koje su ovdje iznesene. Budžet Općine Maglaj u dijelu prihoda izvršen je u iznosu od 8.208.793,96 KM ili 92,21%. Ulazeći u strukturu prihoda Općine Maglaj ostvarenih u 2019.godini za mene kao Načelnika općine najveći značaj ima porast prihoda od poreza na dohodak od nesamostalnih djelatnosti što je uzrokovano jednim dijelom porastom broja uposlenih a sa druge strane porastom plaća postojećeg broja uposlenih. Dakle u skladu sa navedenim korist su imali kako zaposlenici tako i kantonalni i općinski budžeti obzirom da se ovaj prihod ostvaren na području svake općine dijeli između kantona i općine u omjeru 65,54% u korist kantona i 34,46% u korist općine. Osim toga, primjetan je i porast poreza dohodak po konačno obračunu koji podrazumijeva porezni odnos na ostvareni dohodak, obrtničkih radnji koji posluju na području općine ali i otvaranja novih. Značajan uticaj na finansiranje Budžeta imaju prihodi od indirektnih poreza, tu svakako ne smijemo zaboraviti i novu šifru prihod 717 114 – prihodi od indirektnih poreza na ime finansiranja autocesta u FBiH koje se općinama transferišu od septembra 2018.godine. No, osim toga Općina bilježi rast prihoda od indirektnih poreza ostalih po osnovu povrata od PDV što je u direktnoj vezi sa ostvarenim prometom na području same općine. Ono što je manjkavost na koju se mnogo puta od ranije ukazivalo jeste činjenica općine nemaju informaciju o ukupno ostvarenom prometu na svom području, odnosno podatke o bruto plati a s tim u vezi otežana je i kontrola visine pripadajućih sredstava po tom osnovu. To dodatno usložnjava i sam način raspodjele ovog prihoda koji je definisan Zakonom o pripadnosti javnih prihoda u FBiH. S tim u vezi nadam se da ćemo preko delegata u Domu naroda pokrenuti inicijativu za izmjenu ovog Zakona kako u podjeli, raspodjeli ovog prihoda tako i ostalih javnih prihoda koji kroz predmetnu raspodjelu ovog Zakona. Rast prihoda bilježi i komunalna naknada za istaknutu firmu gdje nije došlo do povećanja visine takse, jer su obaveze po ovom osnovu definisane Odlukom o komunalnim taksama i tarifi taksi na istaknutu firmu i drugih komunalnih taksi još od 30.05.2013.godine. Do povećanja naplate došlo je dijelom zbog otvaranja novih poslovnih subjekata, dijelom zbog efikasnije naplate od strane Porezne ispostave Maglaj u čijoj nadležnosti je provedba navedene Odluke u smislu naplate utvrđenih obaveza po osnovu komunalne takse u skladu sa odredbama Zakona o poreznoj upravi FBiH, podzakonskim aktima i ovdje moram pohvaliti novog šefa Poslovnice, gospodina Karabegovića koji je vrlo kooperativan kad je u pitanju saradnja Poreske i Općine Maglaj. U skladu sa članom 22. Odluke o taksenim obveznicima koji ne podnesu prijavu u skladu sa članom 21. stav 2,3 i 4. Ili daju netačne podatke o prijavi takse izvršit će Porezna uprava Ispostava Maglaj po pripadajućoj taksenoj tarifi u skladu sa Zakonom o poreznoj upravi FBiH u Pravilniku i postupku podnošenja poreznih prijava. Sam efikasniji rad Porezne uprave u skladu sa pomenutim članovima doveo je do rasta naplate prihoda po osnovu komunalne takse sa posebnim akcentom na kladionice. Rast prihoda po osnovu rente rezultat je izgradnje poslovnih i stambenih objekata na području općine Maglaj. Kada je u pitanju komunalna naknada ako se sjećate ne tako davno donijeli smo novi bod koji je ponovo išao u korist obveznika plaćanja komunalne naknade kao podrška od strane Općine Maglaj. Naravno, značajnu stavku o prihodima predstavljaju tekući kapitalni transferi viših nivoa vlasti kantonalni i federalni. Tekući transferi kantonalnih nivoa vlasti su redovita sfera iz 2018.godine, dok na sferi federalnog nivoa bilježe značajan rast u odnosu na 2018.godinu. Također rast kod kapitalnih transfera i jednog i drugog nivoa koji se odnose na poslovnu zonu Liješnicu i fekalnu kanalizaciju.

Kad govorimo o rashodima Budžeta Općine Maglaj, oni su za 2019.godinu izvršeni u iznosu od 8.396.964,25 KM ili 94,86%. Svjesni činjenice da 2014.godine sa jako nestabilnom klimom koja se ogleda u jako velikim količinama padavina uzrokuju pojavu klizišta i poplava te nas zadese nekada i dva puta godišnje te su jedan od osnovnih razloga da skoro svake godine imamo oštećenja na infrastrukturi, poljoprivredi, privredi, stambenim i sportskim objektima i sl. U toku 2019.godine iz Budžeta Općine Maglaj je izdvojeno 1.797.889,51 KM za rekonstrukciju, sanaciju, sufinansiranje projekata u MZ, a sve u cilju sanacije infrastrukture u općini Maglaj. Veliki udio u izdvojenim sredstvima odnosi se na sanaciju i rekonstrukciju infrastrukture iz vlastitih namjenskih sredstava koja je prosječna usljed vremenskih nepogoda od toga jedan dio se odnosi na prevenciju dijelova gdje postoji bojazan od posljedica velikih količina padavina u narednom periodu. Naravno primarno i tekuće održavanje lokalnih cesta, održavanje i izgradnja javne rasvjete na području općine su svakako sastavni dio infrastrukture. U navedenom iznosu, naravno osim vlastitih sredstava Općine Maglaj, nalaze se i sredstva viših nivoa vlasti za različite projekte poput izgradnje novih infrastrukturnih objekata kao što je novi gradski park, gdje osim namjenskih doznačenih sredstava od strane Fonda za zaštitu okoliša i dijelom koji finansira Općina Maglaj vlastitim sredstvima. Uređenja dvorišta i izvođenje radova u Svetištu Sv. Leopolda Mandića Općina Maglaj je također sufinansirala sa jednim dijelom sredstava. Sufinansirala kod Društvenog doma i ambulante MZ Kosova i drugi projekti što je već navedeno u obrazloženju koji je sastavni dio ovog Izvještaja o izvršenju. Naravno nije samo ovo iznos koji je uložen u infrastrukturu obzirom da ukoliko pogledamo kapitalne izdatke uočiti ćemo radove na izgradnji poslovne zone Liješnica, izgradnji fekalne kanalizacije i priključka na vodovod i kanizacionu mrežu u poslovnoj zoni Misurići itd. U cilju izgradnje poslovne zone Liješnica a i izgradnje saobraćajnice dijelom Konzuma – T-objekta Općina Maglaj je za otkup zemljišta i eksproprijaciju izdvojila 215.786,00 KM vlastitih sredstava. Također je Općina Maglaj je i sufinansirala samo izvođenje radova na Poslovnoj zoni Liješnica

srazmjerno svojim mogućnostima poštujući uslove prve faze izgradnje. Radili smo na području cijele općine Maglaj a sve prema prioritetima koji su diktirali lokacije radovima. Vršene su sanacije propusta, tampona, nasip tampona, izgradnja javne rasvjete. Postavljanja asfaltne površine, produbljavanje korita u vrijeme velikih padavina, sufinansiranje projekata planiranih od strane MZ, izgradnja vodovodne i kanalizacione mreže i mnogo toga, što sam možda i zaboravio reći a od čega smo svi svjedoci direktno ili indirektno. Obzirom da sam nakon lokalnih izbora funkciju Načelnika zvanično preuzeo 09.11.2016.godine izvršenje Budžeta Općine Maglaj za 2016.godinu je uveliko bilo gotovo u toku narednih godina 2017. i 2018. u startu smo ostvarivali suficit koji smo akumulirali knjiženjem na konto 591. Naravno kao i prethodnih godina, tako smo i 2019.godinu završili sa ostvarenim tekućim suficitom poštujući član 43. Stav 1. Zakona o Budžetima FBiH, tekući suficit Općine Maglaj za 2019.godinu iznosi 500.505,55 KM.

U toku 2019.godine radovi na infrastrukturi su finansirani dijelom iz ostvarenih primitaka kantona i stalnih sredstava zadnjih godina, dok je drugi dio finansiran iz akumuliranog suficita prethodnih godina. Ono što valja naglasiti da smo iz primitaka ostvarenih u 2018.godini i akumuliranog suficita ulagali u kapitalna sredstva na cijelom području općine Maglaj i na taj način povećali stalna sredstva u vlasništvu Općine Maglaj kao stalno sredstvo i vlasništvo MZ koje gravitiraju na području općine. Sve to znači povećanje vrijednosti stalnih sredstava odnosno kapitala Općine Maglaj.

Osim kapitalnih ulaganja u toku 2019.godine izvršavani su i svi planirani rashodi koji se tiču transfera pojedincima, neprofitnim organizacijama, udruženjima, poticaju poljoprivredi i Start – ap projekti. Poticaj poljoprivredi su obuhvatili sva četiri kvartala u svim registrovanim poljoprivrednim granama na prostoru općine. Tekući transferi neprofitnim organizacijama ali i pojedincima koji se finansiraju iz vlastitih sredstava u Budžetu Općine Maglaj su se i te kako povećali u odnosu na raniji period. Ako posmatramo pojedinačno transfer sportski klubovi, omladinski klubovi osim što od kako sam Načelnik trudim se povećati kako bi pomogao sportu a sve to uvažavajući realizaciju prihoda u Budžetu Općine. U ovoj godini sportskim klubovima imamo izvršenje 233.500,00 KM. Jedini cilj jeste ulaganje u sve segmente života a kroz sport, osim ulaganja u sport, kao aktivnost ulažemo u klubove koji imaju dug isto na našoj općini oni koji su svojim angažmanom i rezultatom za ne tako dug vremenski period postali prepoznatljivi. Također trudimo se da ulažemo u kulturu, pa smo tako uložili maksimalne napore da manifestaciju „Studentsko ljeto“ vratimo dio nekadašnjeg sjaja. U okviru kulture također podržavamo sve projekte koji dolaze iz oblasti kultura i podrazumijevaju dodatnu naobrazbu i bogaćenje stanovnika na području naše općine. Nastojimo voditi računa pored redovnih stipendija iz Budžeta Općine Maglaj posebno naglasiti nadarene studente kao i studente deficitarnih zanimanja. U pogledu izdvajanja za vjerske zajednice zadržali smo se na ranijem nivou, ali sa 100% izvršenjem. Obzirom da se vodila polemika o troškovima službenih putovanja, reprezentacije itd. imam obavezu da i taj dio malo pojasnim. Zamolio bih Adija ako možeš exel tabelu malo pokazati da mogu svi vidjeti. Ovdje imate poređenja od 2010. do 2019.godine planiranih sredstava za planirane odlaske, sport, kultura, poljoprivreda, Start-ap, utopljavanje, finansiranje političkih stranaka. Dakle, možete vidjeti u svakoj od ovih kategorija plan za godinu i izvršenje po godinama i to od 2010.do2019.godine. Ono što je ovdje uočljivo 2014.godine kada se desila poplava, sve je stalo. Kultura stavljena na 8.000,00 KM, sport invalidski na 7.500,00 KM, sport na 99.000,00 KM, poljoprivreda na 54.000,00 KM, ali zato nisu smanjenje političke partije one su i dalje bile 112.860,00 KM, sve do 2017.godine kada je ovaj saziv Vijeća na prijedlog ovog Načelnika spustio na 75.000,00 KM, tako da možete na kraju vidjeti kretanje izvršenja pojedinih stavki koje su realizovane 2019.godine. Sport planiran 235.233,00 KM, izvršen, 15.000,00 KM planiran na invalidski, 13.500,00 KM ispunjen. 90.000,00 KM kultura 92.000,00 KM, ovdje je povećanje u odnosu na plan zato što smo dobili određenih i namjenskih sredstava. Poljoprivreda 190.000,00 KM, u skladu sa poticajima koji su doneseni 142.000,00 KM, izvršeno. Razlika do 190.000,00 KM je bila planirana za projekat sa CRS, ali evo taj projekat će ići ove godine, nismo ga realizovali prošle godine. Start-ap smo na 21.000,00 KM, 2014. nije bio, 2015. nije bio, 2016. nije bio, 2017.godine izvršen 9.500,00 KM od 15.000,00 KM i onda je izvršeno stalno, dakle 2018. 15.000,00 KM, 2019.godine 21.000,00 KM. Utopljavanje stambenih objekata sve su nule do 2017.godine i evo ove godine su u planu sa 40.000,00 KM. Mislim da je prošle godine bilo u planu 30.000,00 KM a da je 27.000,00 realizacija.

Prikaz službenih putovanja, prvi red su troškovi službenih putovanja u zemlji, troškovi službenih putovanja u inostranstvu. 2010.godina 11. hiljada i nešto više, 8 hiljada i nešto više 2011. 14 i nešto, 8 i nešto i doćemo ovamo sad 2013,2014,2015.2016.godina, 2 hiljade i nešto, 2 i nešto, 2017. 3 i 6., 3 i 3, 4 i 4 dakle sve ono što je pokušavamo u javnosti da se iznese da se slaže kako se troše ne znam desetine hiljada na službena putovanja, evo zvanične brojke koje govore o tome na koji način su se, a službena putovanja podrazumijevaju službena putovanja Načelnika i administracije od seminarara, od odluka, od potpisivanja ugovora itd.

Zamolio bih i ovaj šift administracija, evo pogledajte reprezentacija 2010.godine je bila 30.000,00 KM, realizovano 21.000,00 KM, 2011. 25.000,00, realizovano 26.000,00 KM, dakle više od plana i vratimo se 2015. 29.000,00 KM, 2017.godine 20.000,00 KM, 22.000,00 KM planirane, 2018.godine planirano 20.000,00, izvršenje 20.000,00 KM i 2019. planirano 22.000,00 KM, izvršenje 21.000,00 KM. Da se razumijemo to nije nikakva degustacija sijela po restoranima, to je degustacija čak i ovog ovdje što ima pred vama, ali i svih reprezentacija finansira i ono cvijeće koje kupujemo za obilježavanje posebnih događaja. Iz reprezentacije su i



paketi za šehidske porodice iz reprezentacije je dio troškova „Studentskog ljeta“, pa nećete finansirati one učesnike i goste iz sredstava kulture, valjda to ide iz reprezentacije itd. Tako da ti navodi o potrošnji 35.000,00 KM na reprezentaciju od strane Načelnika su kako se vidi u ciframa su čista laž i nepoznavanje materije, ali o tome neka se brinu oni koji to rade.

Ja bih se sad osvrnuo malo i na postavljena pitanja, prije toga da kažem ponosan sam na izvršenje ovog Budžeta i treća godina koju sam bio na čelu izvršavanja Budžeta tri godine. Prve godine smo izvršili rebalans negdje u 6-om mjesecu, ne čekajući decembar i zadnji sedmicu kako je to ranije bilo i ove dvije prethodne godine uopšte nismo imali rebalansa.

Gospodin Jašić je ispred Kluba iznio ovdje više nivo vlasti, potrošena sredstva u plaće, to ne bi ni komentarisao. Sredstva boračkih populacija to je onaj vid povećana su u sazivu ovog vijeća i ovog Načelnika i izvršavaju se. Što se tiče medijskog predstavljanja pitate se odakle 18.000,00 KM više. Malo se vratite unazad ovo Vijeće je dalo saglasnost da zbog presuda koje je izgubila RTV Maglaj se dodijeli 18.000,00 KM RTV Maglaj. To je ta razlika. Ali isto tako kad govorite o maglajskoj televiziji pa i ostalim televizijama morate znati da im je ukinuto finansiranje od strane kantona koje su dobijali za prijenos kantonalnih skupština. Ostala ne spomenute usluge, ja bih zamolio šeficu poslije da to prezentira.

Što se tiče beneficiranog staža, ako se ne varam u ovoj godini smo riješili problem vatrogasaca. Problem vatrogasaca je bio i ranije i zbog plata i zbog beneficiranog staža. Sad su uvedeni u zakon, dakle imaju beneficirani staž i odlukama o preraspodjeli, bez obzira što je bila planirana 0, odlukama o preraspodjeli sredstava omogućeno je da se plati i beneficirani staž pripadnicima Profesionalne vatrogasne jedinice.

Kada je u pitanju vijećnik Buljubašić, ja sam vas iza ove govornice nekoliko puta pozivao da se javite u Službu da napravite dobru relaciju sa Službom, to niste učinili ni jednom. Nisam ja za to kriv, ali bi se ja ogradio od vašeg stava u kojem pojedine penzionere nazivate pijanicama i propalicama ja to ne bih učinio na vašem mjestu. Ono što mi je drago jeste da se vidi da čitavu ovu godinu za svako kvartalno izvršavanje i ovdje je potezana neistina da se ne dodjeljuju sredstva planirana za socijalni program pensionera. Evo vidjeli ste da je izvršenje nešto malo veće od 100%.

Gospodin Ferić je pomenuo Nacrt Odluke o socijalnoj zaštiti. Dakle, ovdje je danas pred ovim Vijećem Nacrt Odluke i ona će kroz javnu raspravu, djelujte, donesite odluku po to odluci će djelovati i Služba, odnosno Načelnik općine.

Kad je u pitanju Odluka o izvršavanju, za sve postoje kriteriji za svaku kategoriju od pensionera, boračke populacije itd. postoje kriteriji, da li su dobri ili nisu za ove moje tri godine je vrijeme pokazalo da ih stalno treba doradivati, jer se uvijek pojavi neka situacija koja može i koja ukazuje na potrebu dorade samih kriterija.

Redovno radimo na transparentnosti, ovi podaci „zašto ne“. Ja nisam zaista u toku ne znam ko je to radio, ne znam ko je kontaktiran unutar Općine Maglaj. To nije dobra pozicija, ne do Bog mi smo napravili poziciju nakon svih programa koje je Vijeće ovdje usvajalo i po kojima radimo i za koje sve dobijate izvještaj. Neko je pomenuo ovdje pitanje boračke populacije, civilna udruženja itd. niko to ne krije ko je koliko dobio. Po Izvještaju o realizaciji projekata civilnih udruženja imate ćete dio koji se odnosi na finansijski izvještaj. O izvještaju o radu boračkih udruženja imat ćete dio koji se odnosi na finansijski izvještaj, tako da ćete sve to imati na umu.

Ono što znam, znam da u saradnji sa institucijama međunarodnim, a najviše sa UNDP, OSCE, CRS imamo zadovoljavajuću komunikaciju i vrlo dobru komunikaciju i imamo priznanje transparentnosti, ali ja nisam vidio ovaj podatak, ali ću pogledati i to. Zaista me začuđuje takav podatak. Ne znam da li sam još nešto zaboravi, uglavnom to je to. Za Budžet ove godine vidjet ćemo kakva će biti situacija s obzirom na ova sva dešavanja o kojima smo govorili prije samog početka rada sjednice po dnevnom redu, kako će se to efektovati na privredu, ekonomiju, a to se u konačnici sve reflektuje od najnižeg do najvišeg nivoa.

Hvala Vijeću koje je podržalo Budžet za 2019.godinu, koji smo realizovali i ja sam lično zadovoljan i ponosan na ovakvu realizaciju.

Samo kratka dopuna da gospođica Alibajraktarević da da informaciju za ove ostale nespomenute usluge, a ja ću da dam informaciju za ove Komisije općinskog načelnika, zbog javnosti zato što se o tome po ne znam koji put poteže pitanje, a to sam već objašnjavao i ponovo ću objasniti.

Najveći dio tih sredstava su Komisije za tehnički pregled i to su komisije Općinskog načelnika. Ostale komisije su komisije OV, vrlo malo ima Komisija Općinskog načelnika kao radno tijelo koje se plaćaju. Komisije koje formira Općinski načelnik su skoro sve besplatne i za zaposlenike Općine Maglaj i za spoljne saradnike u tim komisijama, a ova sredstva koja vi vidite tu i koja su veća od planiranih su rezultat tehničkih pregleda, Komisija za tehničke preglede i hvala Bogu da ih ima i da ih ima što više i to nisu troškovi Općine Maglaj, to su troškovi investitora koji uplati sredstva na račun Općine Maglaj. Mi formiramo komisiju, odnosno Rješenjem Općinskog načelnika se formira komisija za tehnički pregled i plati se učešće članovima komisije za tehnički pregled. Dakle, nikakve komisije Načelnika i jaranske dotacije, nego tehnički preglede u toku 2019.godine, dobro je da ih ima toliko, dobro je da ih ima više nego što je planirano.

**Senada Alibajraktarević,** meni samo ostaje da se još jednom zahvalim Načelniku na svim odgovorima.

Kada je riječ o ostalim nespomenutim uslugama to su takse koje se plaćaju „Elektrodistribuciji“ za priključak na javnu rasvjetu, priključci za javnu rasvjetu za MZ, na spomen obilježju i gradskom parku i takse koje se plaćaju po predaji završenih obračuna.

**Predsjedavajuća** - Zaključujem raspravu i dajem na glasanje

#### Z A K L J U Č A K

1.1. a) Usvaja se Izvještaj o izvršenju Budžeta/Proračuna Općine Maglaj za 2019.godinu.

**Glasalo 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 10 glasova protiv:** Adis Abdurahmanović, Edib Delić, Nedžad Alispahić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik. Vijećnica Selma Avdić nije bila u sali u vrijeme glasanja.

Predsjedavajuća stavljam na glasanje i pod b) i dajem na glasanje

#### Z A K L J U Č A K

1.2. b) Donosi se Odluka o usvajanju Godišnjeg obračuna Budžeta/Proračuna Općine Maglaj za 2019.godinu.

**Glasalo 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 10 glasova protiv:** Adis Abdurahmanović, Edib Delić, Nedžad Alispahić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik. Vijećnica Selma Avdić nije bila u sali u vrijeme glasanja.

AD – 2 Periodični finansijski izvještaj Budžeta/Proračuna Općine Maglaj za period 01.01.-31-12.2019.godine;

Otvaram raspravu

Predsjedavajuća – Zaključujem raspravu i dajem na glasanje

#### Z A K L J U Č A K

2.1. Usvaja se Periodični finansijski izvještaj Budžeta/Proračuna Općine Maglaj za period 01.01.-31-12.2019. godine.

**Glasalo 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 10 glasova protiv:** Adis Abdurahmanović, Edib Delić, Nedžad Alispahić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik. Vijećnica Selma Avdić nije bila u sali u vrijeme glasanja.

AD –3 Informacija o radu Općinskog vijeća za 2019.godinu;

Otvaram raspravu

**Vijećnica Dženita Smajlović,** Klub vijećnika SDA razmatrao je dostavljenu Informaciju i imamo nekoliko sugestija.

U ponuđenom materijalu ističe se kako je rad Općinskog vijeća odvijao se u skladu sa ustavnim, statutarnim i poslovničkim obavezama i ovlaštenjima... Također je vidljivo da pojedina tijela Općinskog vijeća nisu radila onoliko koliko je potrebno. To se prije svega odnosi an rad odnosno nerad komisija OV, na što smo ukazivali i u proteklom periodu. Formirane komisije OV najavljivane su kao izuzetno kvalitetne bez vijećnika i bez dodatnih kadrova iz reda SDA koja su realno trebali biti uključeni po pripadajućoj mjeri, a evo sada vidimo da je rezultat sasvim suprotan. O kvalitetu istih nećemo, ali broj održanih sjednica govori koliko su neka pitanja ostala zanemarena, a šest komisija OV se uopšte nije nikako ni sastalo. Ono što još nedostaje ovoj informaciji jeste izvještaj od nadležnih službi o realizaciji zaključaka OV. Naš Klub je u par navrata i pokretao inicijativu o podnošenju izvještaja o realiziranim zaključcima donesenim na OV, kao i eventualno o razlozima zbog kojih nisu realizirani, a sada opet tražimo isto da se taj izvještaj nađe kao tačka dnevnog reda na nekoj od narednih sjednica OV.

Na kraju obzirom na važnost smatramo da smo ovaj materijal trebali dobiti u formi izvještaja, a ne u formi informacije kako je to dostavljeno.

**Vijećnica Svjetlana Zamboni**, o ovome smo već razgovarali, prije svega vaš osvrt na provedene zaključke OV, trebate znati da smo na prošloj sjednici OV dali da se do šestog mjeseca da se ti izvještaji dostave OV, dakle realizacija zaključaka OV i lično već znam da set aj materijal izrađuje da je službama dat zadatak da to u što skorije vrijeme dostave.

Druga stvar kad je u pitanju informacija ili izvještaj ovdje smo razgovarali i zaključili prethodne godine da to više ne radimo u formi izvještaja, nego u formi informacije kako bi omogućili našim sugrađanima tu informaciju, jeste apsurdno da sami usvajamo svoj izvještaj, to nije izvještaj Predsjedavajuće, nego izvještaj, odnosno informacija o radu OV. Već po ne znam koji puta se poteže pitanje o radu komisija OV. Stranka SDA je odbila rad i učešće u radu tih komisija, ali transparentnosti radi ali i pogrešnih navoda koje uzastopno iznosite za ovom govornicom imam obavezu da iznesem slijedeće.

Po pitanju rada samih komisija moram reći da je u sazivu 2012-2016. Komisija za izbor i imenovanje u toku četiri godine održala 11 sjednica. U prethodne tri godine ta Komisija je održala 10 sjednica. Komisija za statutarna pitanja poslovnik i propise u mandatu 2012-2016. godina održala je tri sjednice. U prethodne tri godine održala je tri sjednice. Komisija za zaštitu ljudskih prava, predstavke i pritužbe građana održala je od 2012-2016.godina tri sjednice, u ove 3 godine jednu sjednicu. To znači da nije bilo predstavki. Komisija za privredu prostorno uređenje, urbanizam, zaštitu okoliša održala je 19 za 4 godine u prošlom sazivu u prethodne 3 godine 12. Komisija za poljoprivredu, vodoprivredu i šumarstvo održala je 9 sjednica u prošlom sazivu i 3 sjednice za ove prethodne 3 godine. Komisija za društvene odnose, odnose sa mjesnim zajednicama, boračko-invalidska i socijalna pitanja održala je samo 1 sjednicu u svom četverogodišnjem mandatu, a 2 sjednice u ove prethodne dvije godine. Komisija za obrazovanje, nauku, kulturu i sport održala je 7 sjednica u sazivu 2012-2016.godina, a u prethodne 3 godine 5 sjednica. Komisija za pitanje mladih, ravnopravnost spolova održala je samo jednu sjednicu u sazivu 2012-2016. godina, a u prethodne 3 godine 4 sjednice. Etička komisija časti održala je 1 sjednicu u sazivu 2012-2016.godina a u prethodne 3 godine također samo jednu. Komisija za zaštitu kulturno-historijskog i privrednog naslijeđa i turizam održala je samo 1 sjednicu u četverogodišnjem mandatu '12-'16. A u prethodne 3 godine održala je 3 sjednice. Komisija za obilježavanje značajnih događaja i ličnosti iz historije Maglaja u mandatu 2012-2016. Samo jednu sjednicu, u prethodne 3 godine 4 sjednice. Komisija za dodjelu javnih priznanja održala je 11 sjednica u sazivu 2012-2016.godina a u prethodne 3 godine održala je 10 sjednica. Drugostepena stručna komisija nije održala niti jednu sjednicu u sazivu 2012-2016.godina, a u prethodne 3 godine održala je 5 sjednica.

Ja vas molim samo kad iznosite podatke o radu Komisija OV vodite računa i o tome egzaktnosti informacija koje iznosite za govornicom. Ovo su tačni podaci koji upoređuju dva mandatna perioda, s tim što predstoji još ova godina 2020. Godina da se unesu podaci za informaciju koja se bude podnosila Općinskom vijeću u novom sazivu.

**Vijećnik Safet Jašić – replika**, hoću da kažem bez obzira što je gospodin Jurišić predložio prošle godine, ja predlažem da materijal ide kao Izvještaj o radu Općinskog vijeća. Nama informacija kao informacija manje-više nema težinu. Ovo što ste vi gospođo Predsjedavajuća čitali nas zanima izvještaj OV i između ostalog rad komisija za 2019.godinu, nemojte zbunjivati nikoga sa tim ciframa. Nemojte nam govoriti šta za tri godine, ovo je izvještaj za 2019.godinu i samo te podatke čitajte i bit će u redu. Inače ovo je jedna katastrofa što se tiče održavanja odnosno rada komisija. Katastrofa, jedna sramota jer je bilo pritužbi i svega toga na raniji saziv Vijeća koji je radio daleko bolje i mi smo zaista očekivali da će to biti bolje. Međutim, morate priznati da ovo nije dobro i da se malo vodilo računa o tome. Tako da budemo decidni o tome, znači ovo je informacija za proteklu godinu, nije informacija za protekle tri godine. Ako smo to već jednom uradili, ponovo se vraćamo na one godine koje su također nisu ništa bile bolje, ako se kaže da je svake godine jedna komisija održala jednu sjednicu, ispada ovdje ko tri sjednice, kao nešto se radilo, a nije se radilo. Htjeli mi to ili ne ovo su činjenice i nismo ih mi napisali.

**Vijećnica Svjetlana Zamboni – replika**, obzirom da nisam član svih ovih komisija OV nemam tu informaciju, dakle od samih komisija moram reći i slijedeće. Ono što pokazatelji govore evo ja ću uzeti Komisiju za poljoprivredu, komisija se sastane, usvoji određene kriterije nakon provedenih javnih rasprava, utvrde određene stvari i samo izvršenje Budžetu pokazalo je da su ljudi zadovoljni, odnosno da dodjela određenih sredstava je na mnogo višem nivou nego ranije. Iz tog razloga i iz razloga što nema mnogo pritužbi i nema mnogo razloga za sastajanje određenih komisija, ne svih, neke rade u kontinuitetu, dakle neke komisije nisu niti održale sjednicu. Vi kad ovo što sam ja pročitala ovdje jesu egzaktni podaci i to je jedini način da se uporede, pošto stalno insistirate na tim poredbenim podacima, to je jedini način da se uporedi rad komisija. Kad kažete da se bilo koja komisija u sazivu 2012-2016. Sastala određeni broj puta, vi ne kažete u kojoj je to godini bilo, a znamo da je bio period i poplava i znamo da je najintenzivniji rad tih komisija, kao vijećnica u sazivu OV u prošlom mandatu moram reći da su komisije najviše radile samo u periodu poplava. Dakle, ja moram uporediti podatke i to je jedini mogući način da se upoređuju dva mandatna perioda.

**Vijećnik Safet Jašić**, replika – samo jedno pitanje. De mi samo recite jestel vi zadovoljni sve ukupno kad se skupe sve komisije sa radom komisija koje je formiralo Općinsko vijeće, ništa drugo.

**Vijećnica Svjetlana Zamboni**, ja sam zadovoljna izvršenjem Budžeta, to je ono čime sam ja zadovoljna, naravno da se odluke vijeća sprovede na način na koji treba da se sprovede i ja sam zadovoljna, a vidjet ćete i vi po

realizaciji zaključaka kad nam dođu na dnevni red, da ćete i vi sigurno biti zadovoljni sa onim što službe rade i kako se sprovode odluke OV.

**Vijećnik Elvir Vehabović**, na početku se na Kolegiju govorilo nećemo puno politike i tih stavki oko ovih tačaka da skratimo i da brže završimo. Normalno je da će jedna strana govoriti da je katastrofa, druga strana će govoriti da je zadovoljna i to je sasvim normalno i đaba to pričate.

**Vijećnik Hajrudin Ferić**, hoću da iznesem jedan stav, a to je jedna vrsta replike predsjedavajućoj na ovu konstataciju da je kao na sugestiju gospodina Jurišića rečeno da se ubuduće podnosi informacija, ja zaista ne znam i ne sjećam se tog zaključka i vjerovatno je bio, ali moj stav je ili informacija ili izvještaj bitno je da u njemu sadržaj bude kako treba i da o tom sadržaju razgovaramo i da takav sadržaj damo na sud ovim našim građanima između ostalog i putem web stranice itd. da ga imaju da mogu oni dat sud. A čim mi to uradimo, to je i jedna vrsta izvještaja o radu ovog OV, našem narodu, odnosno građanima. Žao mi je što suštinski više ne razgovaramo o svim onim stvarima koje se pominju ili ne pominju u ovoj informaciji. Osim ovih stvari koje su pomenute u ovoj informaciji, čini mi se da su zaboravljene napisati između ostalog i podaci koliko je organizovano javnih rasprava tokom 2019.godine, pa sam ja pokušao malo da to saberem i negdje sam došao do podatka da je organizovano 11 javnih rasprava na kojima su imali mogućnost i iznijeti svoj stav preko 500 građana. Pomenut ću samo kad su u pitanju asfaltne baze, programi poljoprivrede, za mlade, regulacioni planovi, nekoliko njih, Budžet Općine Maglaj za 2020.godinu, nacrt Statuta MZ itd. da ne pobrajam jer je to dobra tekovina rada ovog OV i pokazalo se da ipak bez obzira što se nama kad se parcijalno podijeli čini da na nekim javnim raspravama izuzetno mali odziv građana na drugim je malo više. Sve zavisi naravno od tematike i svakako je obaveza ovog OV da što češće i što više koristi taj institut javne rasprave kad donosi neke značajnije i važnije odluke. Evo i ove odluke koje su nam sad na dnevnom redu imaju tu formu nacrtu.

Ono što također želim da kažem to je da komisije OV nisu napravile iskorak i smatram da za budući saziv OV jest obaveza da reguliše pitanje, između ostalog obaveznosti imenovanja stručnih ljudi u te općinske komisije, a mislim da isto tako mora se definitivno na jednoj od narednih sjednica OV i naći prijedlog izmjena i dopuna Poslovnika o radu OV u kojima bi se utvrdilo i preciziralo jasne obaveze između ostalog i odnosa Vijeća-administracije u servisiranju tih komisija, zatim kompetencija nadležnosti itd. Mi imao jedan pokušaj koji još nije realizovan, završen od prije 2,5 godine da izvrši izmjene najprije što se tiče rada općinskih komisija, komisija OV i tada je bilo dosta polemike i šarenila političkih stavova, ali ovo iskustvo, ova praksa bez obzira o kome se radi je pokazala da nešto treba u narednim sazivima OV da se promijeni i naravno da se obaveže da u ovim komisija budu zaista stručni i kompetentni ljudi, a isto tako i obaveza općinske administracije. Dakle, nije samo sazivanje i pisanje zapisnik sa komisije, nego i stručna mišljenja i analitički podobne za rasprave na komisijama itd. Ja moram da kažem još jednu stvar, a to je da ovo OV nažalost nije smoglo snage da prevaziđe krupne, velike, kapitalne političke stranačke barijere i nametne se administraciji kao jedan ravnopravan partner i da u tom smislu mi moramo svi kao vijećnici bez obzira da razmisli i proanalizira i vidi dokle i zašto i kako te tako debele neraskidive linije da postoje. Mislim da u cijeloj ovoj priči samo štetimo u ime građana.

**Predsjedavajuća** – Zaključujem raspravu i predlažem da:

- Informacija o radu Općinskog vijeća za 2019.godinu, prima se k znanju, uvažavajući sve navedene sugestije.

AD – 4 Izvještaj o radu Jedinostvenog organa uprave Općina Maglaj za 2019.godinu;

**Načelnik općine** – uvodno izlaganje

Svi su dobili materijal Izvještaj o radu Jedinostvenog organa uprave Općina Maglaj i službe Načelnika, ali i svih ostalih službi kao jedinstvenog organa, s tim da je u ovom izvještaju koji ste dobili na sjednicu Vijeća da su skraćeni izvještaj općinskih službi uz napomenu raniju koju ste dobili da kompletne izvještaje svake od službe možete preuzeti putem linka i da vidite sve detalje. Inače nadležnost Načelnika općine su utemeljene u Ustavu FBiH, Ustavu ZDK, Zakon o principima lokalne samouprave, Zakon o Budžetu FBiH, Statutom Općine, aktima OV i ostalim zakonskim i podzakonskim aktima koji se odnose na rad Načelnika Općine. Pobrojano je sve šta je u izvještajnom periodu radio Načelnik općine Maglaj zajedno sa saradnicima sa općinskim službama a u okviru svog ovlaštenja i na koji način se vršila realizacija Programa rada. Kad su u pitanju realizirane aktivnosti za 2019.godinu pod tačkom 1.1. navedeno je skoro 40 značajnih aktivnosti. Pored svih ostalih koje su rađene pobrojane su sve našto se odnose, ko su učesnici, koji su datumi realizacije tih aktivnosti. Pored toga imate pregled apliciranih i realizovanih projekata, odnosno projekata koji su u toku tabelarno prikazani sa svim detaljima sufinansiranje od strane ministarstva, sufinansiranje od strane Općine Maglaj, ukupnu vrijednost i naravno imate napomenu da li je projekat odobren, da li je projekat u toku ili je projekat završen. Pored toga imamo niz projekata koje smo također aplicirali o kojima nismo prošli ili nisu još dođbjeni rezultati o aplikacijama. Pored navedenih projekata vođene su i aktivnosti izrade studije za upošljavanje i sigurno snabdijevanje energije u korištenju bio mase UNDP-i, projekta, projekta aplikacije, izgradnja igrališta i gradskog stadiona u Maglaju, izgradnja sistema centralnog grijanja sa... Priprema aplikacije centralnog grijanja u Češkoj razvojnoj agencijom i da kažem onako

kako smo na jednom od brifinga rekli u međuvremenu je stigao memorandum potpisa i idemo dalje u projekat sa Češkom razvojnom agencijom, izgradnja poduzetničke infrastrukture, učešće u projektu dijaspora za razvoj. Organizacija susreta sa dijasporom, aktivnosti na projektu jačanje otpornosti na katastrofe općina Livno, Mrkonjić-grad i Maglaj, vođenje procesa BRC certifikati i uspješno dobijen BRC certifikat i da ne nabrajam dalje. Također inicirana je i realizirana izrada tehničke dokumentacije kao i uslov za učešće u projektima i pristupanje izvođenja radova koja je navedena na strani 6 i 7. Između ostalog to su projekti rekonstrukcije prioriternih dionica gradskog vodovodnog sistema, industrijska poslovna zona Liješnica, projekat rekonstrukcije javne rasvjete, izgradnja i uređenje izletišta Bistrica, projekt izgradnje Spomen kuće Edhem Mulabdić, regulacija korita rijeke Bosne, projekat rekonstrukcije Aleje Ijljana, Bosna-Karingtonka, projekat gradski park Maglaj, projekat rekonstrukcije Trga Alije Izetbegovića, projekat kanalizacije i postrojenja za otpadne vode, nije navedena faza glavni ili idejni projekat, ali je navedeno u kojem smjeru se dalje radi, kao što je i projekat raskrsnice priključne petlje Kosova, projekat uređenja šehidskog mezarja „Podborik“. Kada su u pitanju aktivnosti bitno je napomenuti da je u izvještajnom periodu održano 50 prijema stranaka i primljeno 540 građana. Objavljeno 434 vijesti na zvaničnoj stranici Maglaj. Održano preko 550 sastanaka. Pripremljeno 6 svečanih akademija povodom značajnih datuma i kulturnih događaja širom općine. Dan općine obilježen akademijom, pripremljene i nagrade za djecu koja su rođena na Dan općine u posljednje dvije godine, održana zabava za djecu sa maskotama itd. otvoren IT Maglaj, organizovan broj šlager za djecu, obezbijeđeno je preko 50 paketića za djecu socijalno ugroženih kategorija. To su dakle, aktivnosti koje su vođene mimo realizacije svih ovih ranije navedenih projekata i programa. Radili smo po odobrenim programima i planovima od strane OV, poslije ove tačke imate ćete priliku da razmatrate i tačku Izvještaj o realizaciji - Plan kapitalnih investicija Općine Maglaj 2019-2021.godina, po jednom od ključni planova za aktivnosti administracije kad je u pitanju infrastrukturni projekti i nastavku ovog izvještaja imate izvještaj, skraćen svake od općinskih službi.

Otvaram raspravu

**Vijećnik Firuz Galijašević**, pored svih ovih posjeta domaćih i stranih dužnosnika i realizovanih projekata i onih koji su toku, redovnih poslova koji su korektno i konkretno urađeni, Općina Maglaj je uradila mnogo prošle godine. S toga će Klub SDP-a da prihvati Izvještaj o radu Jedininstvenog organa uprave Općina Maglaj od 01.01.-31.12.2019.godine.

**Predsjedavajuća** – Zaključujem raspravu i dajem na glasanje

#### Z A K L J U Č A K

4.1. Usvaja se Izvještaj o radu Jedininstvenog organa uprave Općine Maglaj za 2019.godinu.

**Glasalo 13 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Nedžad Lokmić, nije bio prisutan u sali u vrijeme glasanja.

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 5 Izvještaj o realizaciji - Plan kapitalnih investicija Općine Maglaj 2019-2021.godina

**Predsjedavajuća**, prije nego otvorim raspravu zamolili su me iz Službe da upozorim na jednu tehničku pogrešku a to je da na jednom projektu pod 12 odnosi se na grad, tehničke prirode je - greška umjesto Čobe treba da stoji Maglaj-grad.

Otvaram raspravu

**Vijećnik Adis Abdurahmanović**, želimo da podsjetimo sve vas posebno građane općine Maglaj da je Nacrt Kapitalnih investicija 2019-2021. na samoj sjednici pretvoren u prijedlog. Dakle, znalo se tačno gdje će se i tačno ulagati u izbornoj 2020.godini. Građanima je uskraćena mogućnost javnih rasprava po ovom pitanju. Koliko je neozbiljno i nerazumno rađen Izvještaj, potkrijepit ćemo primjerima. U tabeli saobraćajne infrastrukture nazivati puteve koji povezuju zaseoke i privatne kuće lokalnim putevima je krajnje neozbiljno. Dakle, lokalni put je javni put i obavezuje na teritoriji općine, pa tako mi imamo lokalni put kod mezaretlja Orašće, Mulasmajiće, lokalni put i drugi. Smatramo da je ovdje trebalo sve nabrojati da znamo šta to spada pod idr. Omaška, ispravili su kao tehničke prirode. U tabeli pod rednim brojem 12 utrošeno je 5.195,00 KM za izradu glavnog projekta vanjskog uređenja koja obuhvata Aleju Ijljana i Vitešku ulicu u Čobama. Naglasio sam da je to ispravljeno. Pored navedenog smatram da je vidljivo iz materijala da su pojedine MZ favorizovane u odnosu na druge i iz tog razloga Klub vijećnika SDA neće podržati ovaj izvještaj.

**Vijećnik Hajrudin Ferić**, i ja sam se dugo pripremao za diskusiju po ovoj tački dnevnog reda pravio sam analize, poređenja itd. i moram iznijeti svoje mišljenje da se radi i to je dobro i to je najvažnije. Gradi se i radi se u

2019.godini u skoro svim MZ, osim u Rakovcu i Bočinji, to nije dobro, nije dobra poruka. Ja pretpostavljam da će to biti ispravljeno u 2020.godini barem po programu za 2020.godinu.

Ono što također želim ovdje da iznesem podatke nije bilo ravnomjernog ulaganja u MZ, naravno da to ima svoje opravdanje, ima svoje razloge, ali mislim da treba u odgovoru koji ću dobiti nakon rasprave da to treba i pojasniti građanima. Naime, u nekoliko MZ bilo je priličnih ulaganja a ona i nisu prikazana u ovom izvještaju. Bilo je ulaganja u Domislicu, u Ravnu u Moševac, Krsno Polje, Liješnicu, radilo se asfaltiralo se a nemamo to u ovom programu. Zatim postoje razlike u ulaganjima u MZ. Najmanje je u 2019.godini uloženo u Bradiću svega 7.289,00 KM, odmah poslije toga slijede Ulišnjak, Čobe, Krsno Polje, Kosova sve ove MZ ispod 15.000,00 KM iz Budžeta. Govorim o budžetskim sredstvima. Najviše budžetskih sredstava su dobili Bijela Ploča 181.271,00 KM, Jablanica 109.806,00 KM, Ravna 73.000,00 KM, Misurići 77.000,00 KM i Straište 61.000,00 KM. Dakle, velike su zaista razlike. Također je važno naglasiti ovdje da ako se izuzmu kapitalni projekti za privredu u zoni Nekolj, onda je MZ Liješnica odmah sa Bradićima, a isto tako i uže gradsko područje grada Maglaja. Ako se izuzmu prilazi Viteške, Sarajevske po 10.000,00 KM, faktički ništa drugo i nije bilo, odnosno ima projekata koji su u toku, tu mislim na ovaj parking i park. Također sam zabilježio da je skoro 30% uloženo sredstava u nešto što nije bilo planirano, a isto tako želim istaći da određene brojke koje su ovdje iznesene ne prate brojke iz Budžeta Općine Maglaj ja ću to nabrojati. Između ostalog javnog rasvjeta. Također želim da naglasim a to je da je toliko vidljivo da u nekim MZ funkcionise i ide i u različitim procentima sistem sufinansiranja u nekim nema. Još jedanput se ukazalo i nameće se potreba da se utvrde kriteriji za sufinansiranje infrastrukturnih radova u MZ u kojima to građani ili MZ finansira. Također je važno reći da je u izvještaju a i u programu za 2020, 2021 i 2022. konstantna sredstva su planirana od MZ i za 2019.godinu ni jedan fening nije dobijen od MZ, a ovdje je sve to ostali, a to ostali pretpostavljam da su viši nivoi vlasti, donacije ili sufinansiranje građana.

To su neka moja razmišljanja i smatram da je ovo jedan izvještaj za okvirni program kapitalnih investicija.

**Vijećnik Safet Jašić**, i ja ću napomenuti jednu tehničku grešku a ovdje se promiče već tri godine u ovom našem mandatu. MZ Domislica ne postoji, ovdje treba da stoji MZ Brezove Dane n/m Domislica i tako treba da se tretira. Ubuduće da se malo gleda na to, ta MZ nosi još uvijek tako ime.

**Vijećnik Edib Delić**, vi se dobro sjećate kad smo usvajali ovaj Plan za 2019.godinu da sam ja reagovao na iznose koji su planirani da se ulože u mojoj MZ to je bio iznos od 5.000,00 KM. Mogu reći da sam zadovoljan kad je u pitanju tih 5.000,00 KM, mogu reći da su namjenski utrošena i što se tiče toga završen je taj dio posla. Međutim, ovdje je po meni redovne aktivnosti koje se odvijale ne bi trebale da sadrže ovaj plan kapitalnih ulaganja odnosi se na rekonstrukciju i asfaltiranje dva putna pravca, a to je put do škole, gdje je Općina sufinansirala sa 14.500,00 KM. Nigde ne stoji sufinansiranje građana. Ispada onaj ko nije u toku da je ovdje samo Općina uložila, međutim istu ovu cifru su uložili i građani, pa je bar trebalo staviti u ovu kolonu MZ da stoji da su sufinansirali građani. Ovaj put gore prema Gornjim Avdićima također stoji ulaganje Općine stoji iznos od 10.332,00 KM nema nigdje sufinansiranje građana. Znači trebalo je staviti međutim ove aktivnosti po meni nisu trebale biti sadržaj ovog akta.

**Načelnik općine**, ove tehničke stvari tamo jesu stajale Čobe, radi se o gradu. Da li su lokalni putevi svugdje navodimo u programu da su lokalni i nekategorisani putevi. Nije bila javna rasprava naravno da je upućeno od strane općinske službe svim MZ da li ste imali javne rasprave unutar MZ to je problem do vas i rukovodstva MZ, nama je vraćeno ono što smo dobili zvanično od rukovodstva MZ. Činjenica je da nije podjednako uloženo novca u svim MZ. Neće biti niti jedne godine i nisu sve MZ niti iste veličine, niti se nalaze u istim problemima, niti su ni ranijih godina podjednako tretirati, nije to moguće. Imate situaciju gdje su MZ kroz vremenske nepogode koje su se dešavale kroz sanaciju šteta dobile više sredstava, takva je priča na Bijeloj Ploči i na Jablanici itd., ali u nekim MZ što nije navedeno ovdje rađeno je kroz druge planove, kroz plan održavanja cesta i plan asfaltiranja, tako da je bilo u Bočinji, nije nešto značajno ali bilo je i u Bočinji ulaganja kada je u pitanju uređenje korita rijeke Bočinje. Negdje pred kraj godine je trebalo da se asfaltira put do mjesnog groblja nije se stiglo planirano je u ovoj godini. Planirano je još jedan put u Bočinji. Nema nikakve poruke da li se radi o Rakovcu i Bočinji. Rakovac smo sad aplicirali i nadamo se da ćemo dobiti sredstva za sanaciju i onih mostova i izgradnju nekog mosta u određenom obliku gore zv. Josipovići. Dakle ni potrebe nisu ravnomjerne. U gradu jeste bilo ulaganja ne samo u ove dvije pomenute ulice, imali smo uložena sredstva i u gradski park, u parking koji se radi, uložena sredstva u dio projektne dokumentacije. Uložen dio sredstava u javnu rasvjetu. Činjenica izvještaj ima neplaniranih aktivnosti koje su realizovane. Obezbijedili smo novac i pokušali smo da idemo po prioritetima uvažavajući i sufinansiranje građana. Da kažemo egzaktni kriterija sufinansiranja nema, napisat ćete da je to marka na marku i nećete ništa, ali smo kod donošenja planova rekli da ćemo uvažiti sufinansiranje građana i tako smo i uvažili. Možda je greška što ovdje ne piše iznos koliko su građani sufinansirali ali ću vam reći zašto je to tako. Novac koji su građani sufinansirali su davali direktno izvođačima radova. Da je to neko uzeo na sebe obavezu iz Općine kako bi ja visio po fejsbuku da sam uzeo od ovog hiljadu, od ovog deset, itd. ne pada mi na pamet, dakle sav novac svih sufinansiranja koje su građani učestvovali zajedno sa Općinom je dat direktno od predstavnika građana izvođaču radova. Ja to ni vidio nisam niti želim da vidim. Znam da su izvođači radova zadovoljni kad je u pitanju to, bio je problem samo u Jablanici kod mosta u Jablanici i to je riješeno. Javna rasvjeta i ove godine kao i prethodne, moguće i naredne, tamo u planu smo rekli sufinansiranje javne rasvjete po MZ, dakle tamo gdje se pojavi mještani da su spremni sufinansirati, sufinansirat ćemo i mi u iznosu odobrenih sredstava i najvećim dijelom je

sufinansiranje. Ova primjedba gospodina Fermića, nema mjesta od MZ, to sam rekao da su direktno davali ne MZ, nego građani, negdje su uključeni organi MZ, negdje su uključeni direktno građani. Kad smo radili u Moševcu bio je gospodin Delić kao predsjednik MZ, bio je zajedno s građanima pa to zna kako je išlo, kako je rađeno i u Jablanici gdje je predsjednik Hrnjić Zijad, a bilo je određenih lokacija gdje su građani pored rukovodstva MZ direktno rješavali sa izvođačima radova. Kada je u pitanju realizacija plana kapitalnih investicija to je plan, život pokaže nešto drugo. Imali smo prošle godine i onu poplavu, uložili smo mi i dio sredstava i u Liješnicu i ima mjesta da se ove godine možda dobili manje Liješnica, Bradići, ali ostaju Bradići i Fojnica za narednu sjednicu pa ćete vidjeti da radimo i na tome, i mislim vrlo kvalitetno da ćemo riješiti problem na tom kraju. To je od prilike što je bilo primjedbi. Ono što vam mogu reći nema nikakve veze plan za 2020. godinu sa izvještajem za 2019. godinu, to sam već rekao na početku, da nije obavljena javna rasprava, upućeno je MZ, MZ odgovarale kako su odgovarale, jesul provodile javnu raspravu to je njihov problem. Ovamo su dostavljeni podaci, naravno i služba je ta koja određene stvari koriguje. Jedno su želje sa terena a drugo su potrebe u stvarnosti, tako da to i Služba koriguje. Mislim da u suštini na količinu urađenog posla u odnosu na planirane aktivnosti možemo biti sasvim zadovoljni kad je u pitanju 2019. godina i 2019. Godina je neizborna godina pa i vjerovatno će pokazati da je više uloženo u infrastrukturu 2019. godine, nego što će to biti 2020. godine iako ako ćemo gledati politički moglo se kalkulirati da se ta situacija obrne, nije nas to interesovalo nego smo radili onda kada smo imali sredstva i onoliko koliko smo mogli. Vidite da su nastali odmah radovi kad je u pitanju vodovod i putna infrastruktura. U Kosovu danas imate asfaltiranje puta u Gornjoj Kosovu, priprema se put prema Gračinom Brijegu. Uveden je izvođač u poslovnu zonu Liješnica, dakle ne čekamo avgust, septembar, nego radimo odmah a još jednom da se osvrnem samo na iznose pojedinih projekata, dakle nemoguće je dovesti u ravnotežu, projekti se apliciraju, dobijete za Gračin Brijeg 70.000,00 KM, ode 70.000,00 KM, u jedan put dio jedne MZ, dakle više nego u neku drugu MZ kompletno, ali je pokušaj da apliciramo sve ono što možemo. Šta će sve biti odobreno vidjet ćemo.

**Predsjedavajuća** – Zaključujem raspravu i dajem na glasanje

#### Z A K L J U Č A K

5.1. Usvaja se Izvještaj o realizaciji – Plan kapitalnih investicija Općine Maglaj 2019-2021. godina.

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Pauza Klub SDP-a

AD – 6 Izvještaj o radu Općinskog pravobranilaštva;

Otvaram raspravu

**Vijećnik Hajrudin Fermić**, želim da istaknem da je ovaj Izvještaj zapravo u kontinuitetu sačinjen po istoj formi, po istoj metodologiji kao i prethodni. Da tu su naznačene nekakve najznačajniji radovi i obaveze iako meni nisu dovoljne informacije. Evo zbog čega govorim. Imali smo prije tri godine zaključak da nam se dostavi jedna informacija o onim izvršenim sudskim presudama gdje je došlo do promjene određenih okolnosti kako bismo mi mogli da eventualno donesemo odluku da oslobađamo odnosno otpisujemo te dugove. Nismo dobili tu informaciju nikako do sad. Nema ovdje taksativno pojedinačno svih ovih parničnih postupaka koji se vode koji su u toku, mene interesuje dokle je došlo i sa ovim predmetom Silosa, to je predmet koji se već spominje godinama i između ostalog jako važna stvar, a ne vidimo kroz ovaj vaš izvještaj kakvo je stanje sa našim sudskim presudama i postupcima u toku kad su u pitanju dužnici po ovim naknadama, taksama i svim ostalim kada su u pitanju obaveze prema Općini, općinskom Budžetu, tu mislim ovi koji su dugovali i koji duguju. Dobro bi bilo da ovo OV ovaj saziv bude informisan kroz taj jedan spisak. Ranije se to do prije 3-4 godine dostavljalo i u izvještaju izvršenja Budžeta a isto tako kao i ranijih nekih izvještaja Pravobranioaca. Zbog toga ja samo predlažem zaključak da se u nekom roku od 2 mjeseca ovdje dostavi ta informacija sa tabelarnim pregledom svih trenutnih predmeta i kad su u pitanju, sudski i kad su u pitanju ovi parnični postupci.

**Predsjedavajuća** – nije bilo pitanja nego konstatacija i prijedlog zaključka, nema prijavljenih diskutanata Zaključujem raspravu i dajem na glasanje

**Vijećnik Hajrudin Fermić**, ovi izvršni sudski su potrebni da bi eventualno ako nije rađeno, ako je urađeno da bi mi mogli donijeti odluku o brisanju, ili oslobađanju. Ako je urađeno onda informacija o tome i ovaj broj parničnih trebalo bi tabelarno da se navedu.

## Z A K L J U Č A K

6.1. Općinsko vijeće Maglaj zahtijeva od Općinskog pravobranilaštva da u roku od 2 mjeseca dostavi Informaciju o sudskim izvršnim i parničnim postupcima, svim dugovanjima i potraživanja tabelarno prikazanim.

**Glasalo 13 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

**Glasalo 12 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

Predlažem na glasanje

## Z A K L J U Č A K

6.1. Usvaja se Izvještaj o radu Općinskog pravobranilaštva.

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 7 Izvještaj o radu OIK-a za 2019.godinu, i 8 Program rada OIK-a za 2020.godinu;

**Predsjedavajuća**, gospodin Bašić se javio i rekao da je spriječen da prisustvuje današnjoj sjednici vijeća, ja ipak uvažavam ovo obzirom na ovu situaciju i otvaram raspravu .

**Vijećnik Mirza Bradarić**, čovjek se javio da ne može doći a i nama ne predstavlja nikakav problem, da raspravljamo o tome ili ćemo ostaviti za narednu sjednicu. Vijeća.

Što se tiče OIK-a mi ćemo samo reći obzirom da je izborna godina neka ide sve svojim tokom. Mi ćemo njihov izvještaj i plan rada za ovu godinu prihvatiti, tako da ovo su standardne procedure, oni su naveli svoje planove i aktivnosti, tako da ćemo mi prihvatiti i izvještaj i Plan za ovu godinu.

**Predsjedavajuća** – Zaključujem raspravu i dajem na glasanje

## Z A K L J U Č A K

7.1. Usvaja se Izvještaj o radu OIK-a za 2019.godinu.

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

**Predsjedavajuća** – dajem na glasanje tačku 8.

## Z A K L J U Č A K

8.1. Usvaja se Program rada OIK-a za 2020.godinu.

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 9 Izvještaj o ostvarenju godišnjeg plana implementacije za 2019.godinu - „Strategije razvoja općine Maglaj 2012-2020.godina – revidirana za period 2018-2020 godine“;

Otvaram raspravu nije bilo rasprave – Zaključujem raspravu i dajem na glasanje



## ZAKLJUČAK

9.1. Usvaja se Izvještaj o ostvarenju godišnjeg plana implementacije za 2019.godinu - „Strategije razvoja općine Maglaj 2012-2020.godina – revidirana za period 2018-2020 godine“;

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 10 „Strategija razvoja općine Maglaj 2012-2020 – revidirana za period 2018-2020 godine“ - Akcioni plan implementacije za 2020.godinu

Otvaram raspravu

**Vijećnik Edib Delić**, Klub vijećnika SDA je razmatrao Strategiju razvoja općine Maglaj 2012-2020 – revidirana za period 2018-2020 godine“ - Akcioni plan implementacije za 2020.godinu. Donijeli smo slijedeće stavove. Smatramo da se u kratkom periodu kako je prikazano u Strategiji u nekim oblastima stanje ne može baš tako popraviti. Kaže se da će unaprijediti poslovanje malih i srednjih preduzeća, međutim u posljednje vrijeme činjenice i ne govore tome u prilog. U kojim industrijskom zonama se planira poboljšati stanje u 2020.godini i na koji način? Navodi se do kraja 2020.godine nastojati da će se povećati obim poljoprivredne proizvodnje. Pitamo se kako će se povećati na koji način? Kada znamo da je sve manje poljoprivrednih proizvođača, a poticaji ostaju isti. Što se tiče zdravstvenog stanja to je stalna tema, a ne pomjeramo se iste tačke. Obzirom na situaciju kada je u pitanju obrazovni, sportski klubovni sadržaji, kako se to stanje do kraja ove godine može popraviti. Pitamo se? Ovo nabrojano je sasvim dovoljno da se primjeti da se radi o nerealnom planiranju, a za tako kratak period kada uzmemo u obzir što pokazuje ovaj izvještaj o urađenom za 2019.godini. Nakon svega toga iznesenog Klub vijećnika SDA neće prihvatiti izvještaj.

**Nermin Bešlić**, bilo je interesantno pričati o izvješčaju o realizaciji Strategije za proteklu godinu, vidimo dobre rezultate, dobra postignuća pogotovo vidimo odlično u svim sferama počev od povećanja broja zaposlenih, smanjenja broja nezaposlenih. Što se tiče plana, plan je od prilike planiran u obimu u nivou proteklih 5-6 godina cca 4 miliona tako da vidimo da su potpuno realno planirana sredstva od 4 miliona i da će to biti realno dostignuto i da neće biti nikakvih problema, tako da ne možete reći da je nerealno.

Što se tiče postavljenih indikatora koji su ovdje sadržani to su indikatori za čitav period implementacije Strategije, odnosno za ovaj period od kada je Strategija revidirana 2018.-2020.godina, tako da su ovi indikatori za taj period , nisu to indikatori za ovu već kad se bude vršila revalorizacija na kraju godine Strategije bit će to prilika da se uporede ova postignuća, odnosno ostvarenje u periodu implementacije sa ovim ovdje postavljenim ciljevima. Što se tiče ovih napomena poljoprivredne proizvodnje i investicija u poslovnim zonama, sve su to ugovorene investicije koje će biti revalorizovane. Što se tiče poljoprivredne proizvodnje slijedeće godine bit će konstantno povećanje i poticaja za poljoprivrednu proizvodnju i stalno vidimo u izvješčaju Strategije i pokazatelja da se povećava iz godine u godinu da se povećava broj poljoprivrednih gazdinstava registrovani, tako da se i poticaji povećavaju i broj poljoprivrednih gazdinstava se povećava.

**Predsjedavajuća** – Zaključujem raspravu i dajem na glasanje

## ZAKLJUČAK

10.1. „Strategija razvoja općine Maglaj 2012-2020 – revidirana za period 2018-2020 godine“ - Akcioni plan implementacije za 2020.godinu

**Glasalo 14 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 10 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA).

Mustafa Buljubašić samostalni vijećnik- nije trenutno prisutan u sali.

AD – 11 Nacrt Odluke o sprovođenju socijalne zaštite i zaštite porodice sa djecom na općini Maglaj.

**Predsjedavajuća**, obzirom na vrijeme i sva ova dešavanja ne samo kod nas nego i šire, ja bih predložila da se javna rasprava obavi kako će biti i obavljena i za javna priznanja, a to je da građani učestvuju u javnoj raspravi dostavljajući svoje prijedloge putem maila, također i političke partije i svi subjekti.

Otvaram raspravu

**Vijećnik Hajrudin Ferić**, ja imam prijedlog o načinu vođenja javne rasprave i rok. S obzirom da je ovo važan dokument koji je pred nama u formi nacrt, zaista bi dobro bilo da sam tok javne rasprave traje 60 dana, s tim da obavezn u toku javne rasprave, a već znate pošto se izglasa ovaj Nacrt on bude upućen obavezno svim vijećima MZ, svim institucijama socijalnog karaktera koje su na području općine Maglaj, mislim prije svega na Centar za socijalni rad, ali i svim humanitarnim organizacijama i staležnim socijalnim direktnim i indirektnim udruženjima koja egzistiraju na području općine Maglaj. Odmah da se dostave kako bi oni u ovom periodu mogli pisanim putem ili na bilo koji način koji je njima pogodan dostave svoje prijedloge i da se ona glavna rasprava održi nakon mjesec, mjesec i po dana ukoliko budemo u poziciji da održimo takvu raspravu. I vjerske organizacije koje se bave tim.

**Vijećnica Selma Avdić**, pošto na početku sjednice nisam se mogla obratiti želim da vam se obratim u ime svih roditelja koji nemaju u ovom periodu da ostavljaju svoju djecu. To su me zamolili svi oni. Nadam se da će poslodavci kada svi oni krizni štabovi sa vrha države, kantona i općine pobrinuti se da ti roditelji mogu biti sa svojom djecom. Ja vas molim, ti ljudi nemaju gdje, moraju da idu na posao, hoćel oni ostati bez posla, kako će oni hraniti svoju djecu. Ima roditelja i majki čiji muževi se nalaze u drugoj zemlji. Molim vas da ovo shvatimo ozbiljno i koliko možemo da ovo razmatramo na jedan fer i korektan način.

Što se tiče stava vezano za ovu Odluku. Klub vijećnika SDA prihvata Nacrt Odluke.

**Načelnik općine**, gospodin dopredsjedavajući je već iznio ono što sam i ja htio reći. Mislim da u narednom periodu trebamo produžiti rokove javnih rasprava uvažavajući očekivani tok dešavanja situacije sa virusom, ukoliko to bude trajalo u jednom dužem periodu, da rješavamo to elektronskim putem ali nas ne sprečava i do same rasprave koja bi se održala za nekih 45 dana da u međuvremenu neko pošalje svoje pisane prijedloge kako bi to služba imala na uvidu i da kažem, gospođa Avdić koja je iznijela ovdje zabrinutost, ja sam jutros razgovarajući sa predstavnicima ovih firmi koje sam u uvodnom dijelu napomenuo dobio i od njih informaciju a jeste problem sa pojedinim uposlenicima koji zbog ne rada vrtića nemaju gdje ostaviti svoju djecu, ali vjerujte takva je naredba i mi je ne smijemo prekršiti. I sutra ujutro imamo Općinski štab razmatrat ćemo i to, ali za sad ne možemo prekršiti kad su u pitanju vrtići ni škole, iako škole nisu u našoj nadležnosti, niti sportska takmičenja, takve su naredbe mi ih moramo poštovati. Konkretno u slučaju vrtića u Maglaju i JU vrtić mi bi samo platili kaznu za ono što smo prekršili naredbu, ali zabrinutost roditelja razumijem, očigledno ćemo se u ovoj situaciji morati snalaziti kako već možemo.

**Predsjedavajuća** – Zaključujem raspravu i predlažem :

#### Z A K L J U Č A K

11.1. Usvaja se Nacrt Odluke o sprovođenju socijalne zaštite i zaštite porodice sa djecom na općini Maglaj.

11.2. Otvora se javna rasprava u trajanju od 60 dana. Zadužuje se Služba za BiZ, opću upravu i društvene djelatnosti da Nacrt Odluke uputi vijeću MZ, svim relevantnim institucijama, udruženjima, političkim partijama, humanitarnim organizacijama, JU Centru za socijalni rad, vjerskim zajednicama, da dostave svoje prijedloge, sugestije i primjedbe na Nacrt Odluke, a da se potom ukoliko situacija dozvoli održi i glavna javna rasprava.

**Glasalo za 25 glasova:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 12 Pravilnik o upravljanju i održavanju objekta socijalno neprofitnog stanovanja;

Otvaram raspravu nije bilo rasprave – Zaključujem raspravu i predlažem

#### Z A K L J U Č A K

12.1. Usvaja se Pravilnik o upravljanju i održavanju objekta socijalno neprofitnog stanovanja.

**Glasalo 13 glasova za :** Svjetlana Zamboni, Mirza Bradarić, Anida Šahman, Irena Herceg, Firuz Galijašević, Armin Hrnjić, Nedžad Lokmić (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

**Glasalo 12 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

**Načelnik općine**, ja sam već iznio da ćemo održavati sjednice OpšCZ, ali u vrlo bliskom periodu ćemo održati i sjednicu Privrednog savjeta. Vi znate da je OV radilo na donošenju odluka kad su u pitanju porezi koji se tiču

općinskog nivoa da je to regulisano da naplatu poreza uz određene uvjete, rokove, kamate itd. je nadležnost poreske uprave. Vidjet ćemo situaciju kako će se odvijati narednih dana i svakako zajedno sa Privrednim savjetom vidjeti da sa Poreskom upravom riješimo taj problem, ukoliko eskalira ovaj problem s virusom da se eliminišu bilo kakve kamate na ove poreske obaveze koje bi poreski obveznici plaćali nakon isteka roka za plaćanje. To će biti informisani putem sredstava a nakon što to razmotri i resorna Služba, ja koa Načelnik i Privredni savjet.

**Predsjedavajuća**, prije nego završim ovu sjednicu Vijeća, ja vas molim da pratite redovno svoje maileve, vidjet ćemo kakva je situacija i da li ćemo odgoditi sjednicu vijeća. Zaključujem današnju sjednicu u 12,10 minuta.

Zapisničar,  
Nisveta Bašić



PREDSJEDAVAJUĆA  
Svjetlana Zamboni



Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

